



Skel Rice
MEDIUM GRAIN

Also available in 200g

goodman fielder

PVM28615a

GROWN FOR THE PEOPLE OF PNG

Somare tok tenkyu

Anna Solomon i raitim

GREN Sif Sir Michael Somare i tok tenkyu long ol pipel bilong Papua Niugini long bilip long em na sapotim wok bilong em olsem praim minista na politisen inap 49 yia olgeta.

Na em i givim bikipela luksave long ol pipel bilong Is na Wes Sepik tu long givim vot bilong ol long em i kamap memba bilong Haus ov Asembli long 1968 i kam inap nau we em i ritaia long wok politikis.

Sir Michael Somare i bin toktok long ol jenelis long NBC Pres Klap long Pot Mosbi long Mande.

Em i tok em i save putim gutpela sindaun bilong Papua Niugini i go pas long ol arapela samting. Em i bihainim astingting bilong politikal pati

em wantaim ol arapela yangpela Papua Niugini i bin kirapim, Pangu Pati—Papua na Niugini Yunaitet.

Astingting bilong dispela pati em long bungim ol Papua Niugini pipel wantaim na kamapim wanpela independen kantri we ol yet i go pas long wok bilong gavman.

Sir Michael i tok em wokabout raun long kantri na toktok wantaim ol pipel bikos i bin gat ol kain kain toktok i kamap olsem bai pait i kamap sapos PNG i bruk lusim Australia. Long taim Sir Michael i mekim wok bilong brokas long Redio Wewak em i strongim ol pipel long sanap strong, tasol em i tok em i no yusim wok bilong en long kempen.

moa long dispela stori long pes 2

ISTA
2017

Ista toktok long pes 7, 11, 12, 13

Lukim spesel saplimen bilong Gren Sif Sir Michael long ol pes insait

Sir Julius i luksave long Sir Michael long pes 14, 15



Las wik Sande em i Palmen Sande na i stat bilong Holi Wik long Kristen kalenda. Long Katolik sios, ol pipel i save karim palmen na proseso i go insait long haus lotu. Em i makim taim we Jisas i bin sindaun long donki na i go insait long Jerusalem we ol pipel i holim ol lip palmen na singsing hosana long em. Tasol bihain ol i tanim na nilim em long diwai kros. Dispela poto i soim ol Katolik bilong St Peter Chanel peris long Erima i holim palmen na redi long statim lotu.

Poto stori Anna Solomon

Winim
moa lo Easter

TV, tablets na smart phone

Lukim moa lo page 7



PNG Air

Yu Gat Sois

Bukim Tiket

7222 2151

Fri Kol: 16111

Onlain Bukim Tiket:
www.pngair.com.pg

Inap Sir Michael kamap Palamen laip memba?

MINISTA bilong Pablik Sevis na Memba bilong Abau Sir Puka Temu i tok gavman i mas mekim Sir Michael i kamap laip Memba bilong Palamen.

Em i tok long mekim olsem gavman i mas sekim Seksen 102 bilong Mama Lo na save sapos Palamen inap long mekim Sir Michael i laip memba.

Em i tok Sir Michael i ken ritaia tasol i ken stap laip memba bilong Palamen inap long taim Bikpela i singautim em.

“Sapos mipela i kam bek bihain long 2017 Ilekse mipela i mas sekim Seksen 102 bilong Mama Lo na sapos 74 Memba i tok orait, mipela bai mekim yu kamap laip memba bilong Palamen,” Sir Michael i tok.

“Dispela i mas presen kantri i mas givim yu. Bikos mipela i no laik lus tingting long yu.”

Sir Puka i tok maski em stap deputi praim minista na i lusim Sir Michael dispela i no mekim em i stap

longwe long Sir Michael.

“Mitupela i save bung yet long korido bilong Palamen na mitupela i save toktok gut wantaim.”

Sir Puka i tok taim Gren Sif i kamap praim minista gen bihain long 2007 Ilekse em i bin askim wan wan memba long wanem ministri ol i laikim long em. Na Sir Puka i las Memba Sir Michael i askim na Sir Puka i tok long kisim Lens Ministri. Tasol bihain long dispela Sir Michael i makim Sir Puka long kamap deputi praim minista tu.

Tasol pastaim long dispela Sir Puka i tok bihain long 2002 ilekse ikonomi bilong kantri i bin stap long mak nogut na Minista bilong Tre-sara long dispela taim, Bart Philemon i tok kantri i stap long “Intensiv Kea Yunit.”

Tasol taim Sir Michael i kamap praim minista wantaim kamap bilong Oganik lo long politikel pati (OLLIPAC) dispela i lukim gavman i stap longpela taim we em inap long strongim ikonomi gen.

Sir Puka i tok OLLIPAC i

lukim wanpela gavman inap stap na pinisim tupela tem bilong palamen.

Sir Puka i makim maus bilong ol memba bilong Papua na tingim ol lida bilong bipo olsem Sir Ruben Taureka, Oala Rarua Rarua, Sir Albert Maori Kiki, Sir Ebia Olewale na sampela moa husat i sapatim Sir Michael long go pas long kantri i kisim In-dipendens.

Long dispela Sir Puka i tok Sir Michael inap stap yet long wok politik bikos long pasin bilong em.

Tupela bikpela samting i kamap long taim Sir Puka i bin stap long gavman bilong Sir Michael em long kamap bilong LNG projek na Visen 2050.

“Dispela em tupela bikpela presen yu givim long kantri long las 10 yia yu stap Praim Minista.”

“Yu stap longpela taim long wok politik tu em bikos Bikpela i save long lewa bilong yu.

Yu gat bikpela lewa,” Sir Puka i tok.

Somare tok tenkyu ...i kam long fran pes

Long 1968 taim em i resis long Haus ov Asembli, i bin gat sampela arapela kendidet i resis tu. Long dispela taim Frank Martin i bin memba, tasol Sir Michael i bin winim em. Long 1972, Sir Michael i resis gen na i no gat narapela kendidet i salensim em olsem na em i kamap memba gen. Long dispela taim i kam inap 2012, ol pipel bilong Is Sepik i bin votim em inap long 9-pela palamen olgeta.

Sir Michael i tok tenkyu long God Papa long laip bilong em na long meri bilong em, Ledi Veronica wantaim ol pikinini long sanap wantaim em long dispela longpela rot bilong wok politik inap em i ritaia nau.

Em i tok sapos lida i mekim stret wok, bai ol pipel i bilip long em na votim em oltaim long makim ol long palamen olsem ol Sepik i mekim long em.

ELCPNG Bisop tok Gutbai long Sir Michael

HET Bisop bilong Evanjelikal Luteran Sios bilong Papua Nuigini Reveran Jack Urame i bin makim maus bilong 2 millen Luteran manmeri insait long kantri long tok gutbai long Gre Sif, Sir Michael Somare.

Het Bisop Jack Urame i tok tenkyu long Sir Michael long sanap strong taim kantri i bin yanpela yet na i stap aninit long kolonial pawa.

Bishop Urame i tok Somare i stap olsem trupela lida taim save na skul I no kamap bikpela tumas.

Em i tok Sir Michael i bin sanap wantaim ol arapela lida man bilong bipo, sampela i dai pinis na sampela i

stap yet , long lukim kantri i kamap long mak nau em i stap long en.

Reveran Jack Urame i tok Sir Michael i bin stap olsem wanpela pioneer o namba wan man i soim gutpela lidasip wantaim planti senis long taim bilong em.

Wankain taim Bisop i askim ol nupela lida long go bek na lukluk long long ol driman bilong ol tumbuna, papa bilong yumi olsem Somare na ol arapela.

Reveran Jack Urame i tok ol nupela lida i mas kisim save long wanem em i driman bilong ol long lukim olsem kantri i mas kamap gutpela na strongpela.

Ol yanpela lida i mas wok long sapatim na strongim dispela ol visen bilong ol papa bilong bipo.

Em i askim ol lida bilong tude long karim gutpela wok i go het yet we Sir Michael Somare wantaim ol arapela lida i bin mekim long lukim divelomen bilong kantri.

Em i tok ol pipel inap amamas sapos gutpela wok i stap yet we ol lida long bipo i lusim i go long ol yanpela lida.

Bisop i givim tok tenkyu i go long Sir Michael na famili bilong em na wisim em long stap gut wantaim strong na bel isi bilong God, makim maus bilong olgeta Luteran bilipman insait long kantri.



Tribute by H. E. Mr. Bob Dadae Governor General of Papua New Guinea to Rt Hon Grand Chief Sir Michael Thomas Somare GCL, GCMG, CH, CF, SSI, KStJ, KSG

On the eve of the departure of Grand Chief Sir Michael Thomas Somare from national politics, I take this opportunity to offer my congratulations and to farewell a true national icon and the founding father of our nation.

Our people stand proud of the achievement of you Grand Chief Sir Michael Somare. You had immense faith in our people and you stood up to the world and proudly declared that despite our race, the color of our skin and the diverse multicultural background of our people, that we can become one nation, one people and one country.

Your dream of uniting the islands, highlands, Papua and New Guinea was not borne out of arrogance, self importance, conceit and smugness but, a genuine desire to see our people prosper in freedom and to be able to live independently as a nation free to govern itself. You saw and experienced the struggles our people endured during the pre independence era and you made it your mission, together with our elite leaders of your time to break the chain, as it were, so that our people can rise up, stand proud and declare to the world that they too can rise to the challenge to become a nation and be seen as one.

You provided the leadership needed to see our people achieve independence in 1975 and through your guidance we gained independence peacefully without bloodshed. Our nation of a multitude of tribes and cultures from the mountains to the seas, from the valleys to the oceans came together as one independent nation.

Your legacy, Grand Chief Sir Michael Somare will live on for years and generations to come. We owe you a multitude of gratitude for your vision and for making it a reality for our people.

The current generation and future generations must not take this lightly. Today, we enjoy freedom as a nation, we are free to govern ourselves, however, if we are not careful with the way we govern and manage our resources, our independence will be nothing more than the piece of paper it is written on. Let us learn from our leaders of the past and aspire to the dream that they had and strive to do the best for our country. Grand Chief Sir Michael Somare has shown us the way and now it is up to us to bring our nation forward and to greater heights.

We salute you Grand Chief Sir Michael Thomas Somare. You are a living national treasure and icon of our nation. My wife Hannah and I wish you and Lady Veronica God's blessings and guidance and good health for years to come.

**H.E. Bob Dadae
Governor General of Papua New Guinea**

Sir Michael pinis wok politik

... askim long strongim pasin yuniti

GREN Sif Sir Michael Somare i tok long Gavman i mas wok strong long bringim yuniti long kantri.

Em i tok ol manmeri i mas save olsem Papua Niugini i yunaited kantri.

Em i tok wanpela rot dispela i ken kamap em kantri i mas gat tupela o tripela pati tasol.

Em i mekim dispela tok taim kantri i gat 44 rejista pati taim ol redi long go insait long Jun Jeneral Ilekseen.

Tasol em i tok bihain ol lidaman i mas wok wantaim rejistra bilong Politikel Pati na refomim sistem we bai gat liklik namba bilong pati tasol.

"Yupela (ol pati) i mas wok bung wantaim. I no gat wanpela pati bai ranim kantri em yet. Bai mas gat kolisen sapot long gavman i ken kamap," Sir Michael i tok.

Em i tok em i traim long kamapim gavman em yet wantaim Pangu pati long 1982 tasol dispela i no inap.

Em i tok liklik namba bai bringim politikel stabiliti long

gavman na givim bilip long ol investa long kam insait.

"Long taim mi go aut, mi bin gat sans long wok olsem memba bilong Is Sepik long olgeta Nesenel Palamen i kam inap nau," Sir Michael i tok.

"Mipela i gat planti traib, tok ples na kalsa na olsem mipela i mas kamapim ol polisi we i mas promotim dispela yuniti long kantri.

"Mipela i mas stap wan nesen na wan kantri.

"Mi laikim ol investa i mas kam bek long dispela kantri."

Sir Michael i tok taim gavman bilong em i kisim opis long 2002, ikonomi i bin stap long mak nogut tasol ol i wok hat long strongim gen.

Em i tok em i bungim ol salens na lukim ol manmeri i kisim sevis na i respektem pablik sevis.

Long pasin bilong stap lida, Sir Michael i tok em i stat wantaim tingting long kamap wokman.

Em i askim ol lida olsem ol tu i mas kamap wokman bilong ol manmeri.



Sir Michael Somare, Gavana bilong Is Sepik.

"Mi bin gat taim long save olsem mi gat pawa na mi save bikpela wok i stap long han bilong mi," long taim em i tok long wok bilong ranim kantri.

"Taim mipela i holim Baibel long Gavman Haus o sanap long Palamen na mekim tok promis, mipela i promis long kamap sevan bilong manmeri."

Long taim planti ol wan-

lain bilong em i no moa stap, em i tok ol i bin bung wantaim long kamapim dispela bikpela institusen, Palamen na ol Memba i kamap long givim sevis long ol manmeri.

Long ol Memba husat bai kam bek bihain long Julai ilekseen Sir Michael i askim ol long bihainim Wes Minista Sistem long strongim demokrasi.

Pruaitch: Somare i sevim kantri

GREN Sif Sir Michael Somare i bin sevim kantri taim em i kisim gavman bihain long ilekseen long 2002, Lida bilong Nesenel Alaiens pati na Memba bilong Aitape Lumi Patrick Pruaitch i tok.

Em i tok bipo long Jeneral ilekseen ikonomi bilong kantri i bin stap long mak nogut. na planti manmeri na bisnis i tingting long lusim kantri na go tasol kamap bilong Somare i sensim dispela olgeta.

Em i tok Sir Michael yet i save long stap bilong ikonomik long 2002, tasol taim em (Sir Michael) i kisim Gavman em wantaim Kabinet wok hat na strongim gen ikonomi.

Em i tok long dispela na planti ol arapela bikpela wok olsem long go pas long ol lidaman bilong bipo long kisim Indipendens, dispela em ol manmeri bai tingim yet.

"Yu wantaim ol arapela praim minista i bin go pas long kantri long kamapim ol tingting na dispela yupela i bihainim long kisim Indipendens," Pruaitch i tok.

"Mi askim yu long tokaut long ol wok yu bin mekim bai kantri i ken putim long rekot na holim dispela ol tingting na wok yu bin mekim long ol taim bihain."

Pruaitch i tok wanpela bilong dispela ol wok em long developim na kamapim Mama Lo.



Patrick Pruaitch, Minista bilong Treseri.

Em i ting manmeri i mas save tu long as Sir Michael i makim 16 Septemba olsem de kantri i mas kisim Indipendens.

Em i tok dispela ol tingting na wok em ol bikpela samt-ing na kantri i mas putim long rekot.

Long lidasip Pruaitch i tok pinis bilong Sir Michael i lusim bikpela spes long wanpela i kisim.

Em i tok wok politik i stap long blut bilong Sir Michael.

"Mi no gat inap save bilong go pas long ranim pati na ol su yu lusim long mi i bikpela tumas," Pruaitch i tok.

"Yu bin bikpela lida bilong Pasifik, yu stap bikpela lidaman bilong Is na Wes Sepik, long dispela, ol manmeri i no lusim yu. Ol i votim yu i kam long Palamen long las 49 yia."

Em i tok salens nau i stap long ol nupela lida long ol i holim na bihainim dispela ol tingting na wok bilong Sir Michael.

Morobe kamapim awot long tingim Somare

Paul Zuvani i raitim

MOROBE i namba wan provins long givim luksave long Gren Sif Sir Michael Somare long pinis wok bilong em long politik.

Provins aninit long Gerson Solulu Skolasip skim bai kamapim wanpela wok ol bai kolim Somare awot long tupela namba wan Morobe sumatin husat i stadi long politikel sains skul long Yuni-versiti bilong Papua Niugini.

Dispela awot bai stat long narapela yia, 2018 na i go.

Morobe Gavan Kelly Naru na lida bilong Kristen Demokratik pati i tokaut long dispela long taim Palamen i holim belo kaikai long tok gutbai long Sir Michael

long las wik.

"Long luksave long ol yangpela laip bilong yu long Morobe na long ol wok na sevis yu givim long kantri, Morobe aninit long Gerson Solulu Skolasip skim bai givim awot aninit long nem bilong Sir Michael long tupela top Morobe sumatin," Naru i tok.

Em i tok ol Luteran Sios lida wantaim ol manmeri bilong Morobe i statim rot bilong gutpela kamap bilong ol samtng na wanpela bilong dispela ol samtng em kamap bilong yangpela Somare husat i kamap namba wan praim minista bilong Papua Niugini.

Naru i tok em i makim maus bilong ol manmeri bi-

long provins na i amamas long Sir Michael long wanem, "ol driman bilong yu stat long Morobe na mipela i amamas na i kolim yu pikinini Morobe."

Em i tok Morobe i mekim Sir Michael i kamap lida olsem em i stap nau bihain long Sir Michael i statim skul bilong em long Dregahaffen Area Skul, (nau Dregahafen Sekenderi Skul) long Fin-schhafen.

Long wok politik Naru i tok stat long taim Sir Michael i kamap politisen, Morobe oltaim i save sapotim em.

Em i tok bihain long Indipendens, planti Morobe memba i save winim ilekseen aninit long tiket bilong Pangu pati.

Naru i tok Pangu pati i gat nem na wok nau i stap long han bilong nupela lida, Sam Basil (Memba bilong Wau Bululo) long karim pati i go.

"Mi save Sir Michael i pinis wantaim amamas bikos em i kamapim gutpela wok na givim gutpela sevis long kantri," em i tok.

"Sir Michael i save mekim samitng wantaim pasin, i gutpela tisa na i save daunim em yet."

Naru i tok Papua Niugini bai oltaim tingim Sir Michael olsem "Papa bilong Kantri."

Em i askim ol nupela lida long ol i mas kisim toktok bilong Sir Michael na lainim lidasip pasin long em long wanem dispela bai mekim kantri i kamap gut.



Kelly Naru, Gavana bilong Morobe.

2


Achieve your goals with the right attitude. Use the **PLUS SAVER** Account for that regular deposit.

We are the Bank for Savings

WE ARE BSP



Gamato tok no ken paol long balot pepa



PNGEC Patilias Gamato i holim kendidet posti long tok aut long mak namel long balot pepa i wanpela na narapela tupela pepa. Foto: PNGEC

ILEKTORAL Komisina Patilias Gamato i tok ol manmeri i no ken paul long balot pepa wantaim kendidet posta.

“Long ol balot pepa poto bilong ol kendidet i no stap long pepa olsem bilong kendidet posta we poto bilong ol kendidet i stap long em,” Gamato i tok.

“Dispela pepa na kendidet posta i narapela kain long wanpela na narapela.

Em i mekim dispela tok long bekim nius i kamap

long toktok bilong PNG Tred Union Kongres Jeneral Seketari John Paska long dispela wik.

“Paska i no painim hap long luksave long wanem em balot pepa na wanem em kendidet posta.

“Em i no ken paulim tingting bilong ol husat i wok long redi long go insait long vot.

“Manmeri bilong Papua Niugini i vot long 2007 na 2012 long tiam ol yusim limited priferensiel voting (LPV)

long vot,” em i tok.

Gamato i tok 2017 balot pepa i wankain long 2007 na 2012 jinerik balot pepa tasol ol i kala-koded long helpim ol vota i luksave long provin-sal balot pepa i narapela long open balot pepa.

Tasol em i tok posta bilong ol kendidet posta i narapela long kendidet baio-data fom (Fom 29).

Em i tok kendidet posta i wankain long ol polling stesin na insait long voting boks.

Ol meri i gat nem nau long politiks

Anna Solomon i raitim

OL MERI long PNG i ken resis long nesanel ileksen sapos ol i laik bikos taim i senis na tingting bilong ol pipel tu i senis. Gren Sif Sir Michael Somare i bin mekim dispela toktok long bekim askim bilong Wantok long NBC Nesanel Pres Klap we em i bin kamap na toktok long ol jenelis.

Wantok i bin askim Sir Michael long tingting bilong em long ol meri kendidet long nesanel ileksen long ol

kain provins olsem Is Sepik we pasin bilong ol hausman i strong yet.

Sir Michael i bekim tok olsem tude, dispela kain pasin bilong ol haus man we ol i save tok politiks i wok bilong ol man, i senis nau bikos ol meri i winim sia bilong palamen na mekim gutpela wok.

Em i tok bipo ol pasin bilong hausman na hausmeri i strong tru, tasol tude long ol kain provins olsem bilong yumi, ol meri i wok long kisim sapot bilong ol man na

ol i wok bung wantaim.

Sir Michael i givim eksampel bilong Sohe ilektoret long Noten Provins na lsten Hailans Rijonal sit em tupela lida meri i memba long en.

Em i tok tude ol man i wok wantaim ol meri long sosaiti bilong yumi na i gat rispek long ol meri. Na em i ting bai i gat moa meri kendidet i resis long ileksen.

Pikinini meri bilong Sir Michael, Dulcianna Somare-Brash, bai resis long sia bilong Is Sepik Rijonal long tiket bilong Pangu Pati.

Zurenuoc askim long bihainim Somare

SPIKA bilong Palamen na Memba bilong Finschhafen Theo Zurenuoc i tok ol lidaman i mas bihainim lek mak bilong Sir Michael Somare.

Em i tok em i no bin isi long wanpela inap long bungim ol manmeri long kainkain hap, traib, kalsa na tok ples long kamap wanpela kantri.

“Em i hat long tokaut long olgeta samting long man mipela i kolim ‘Papa bilong Kantri. Mi traib tasol mi no inap,” Zurenuoc i tok.

“Sir Michael i soim pasin bilong stap lida na long tingim em mipela ol lida i

mas ol tingim na bihainim pasin bilong em.”

Em i tok Sir Michael i man husat tingting na wok bilong e mi stap antap long wok na tingting bilong wanpela man o grup.

“Liklik lain manmeri i laki long wok aninit long em taim em i praim minista.

“Mi amamas olsem Sir Michael i stap yet taim mi kamap memba na mi save long wei em i wok.

Zurenuoc i tok Gren Sif oltaim i save tokim ol manmeri long driman bilong em long rot em i bihainim long

kisim Indipendens.


Em i kisim planti aua na wok long skelim rot wanpela i mas bungim ol manmeri long wanbel, kisim Indipendens na kamap wan kantri.

Em i tok tude demokrasi bilong mipela i kamap bikos long save na driman bilong Sir Michael.

Em i tok tenkyu long Sir Michael long wok na sevis bilong em na wisim em gutpela malolo.

Wantaim dispela em i tok tenkyu long Ledi Veronica na famili long sapot bilong ol long Sir Michael.

PNGEC kisim 2017 Ileksen balot pepa



PNG Ilektoral Komisina Patilias Gamato i kisim form long soim olsem e mi kisim pinis ol balot pepa.

PAPUA Niugini Ilektoral Komisen i kisim 2017 Jeneral Ileksen 10 milien balot pepa long ol printa Treid Pasifik na ovasis proman kampani bilong em Pura bilong Indonesia long las wik Fraide.

PNG Ilektoral Komisina Patilias Gamato i kisim ol balot pepa long han bilong tupela kampani.

Ol balot pepa i kamap long PNG long las wik Tunde we Kastom i kliarim ol long Trinde bipo long ol PNG i kisim long Fraide.

Tasol long PNGEC i kisim, Gamato i tok long Fonde 6 Epril, 11-pela kontena bilong balot pepa em ol i kisim i go long wanpela hap bilong Pot Mosbi we ami na polis sekyuriti i bikpela.

“Long wan na hap mun, PNGEC bai kisim taim long rausim na pekim gen dispela ol pepa bihainim namba bilong enrolmen na givim ol boks i go long wan wan provins long tupela wik bilong long kamap bilong Jeneral Ileksen,” em i tok.

“Mipela bai givim dispela ol pepa bipo long poling i stat long 24 June.”

Em i tok was bilong dispela ol balot pepa i bikpela samting na PNGEC i mekim olgeta samting long lukim inap sekyuriti opisa i stap long was long dispela ol pepa. Dispela was i bikpela moa long was ol i putim long ol pepa bilong 2012 Ileksen.

“Ol balot pepa i gat 15 hait sekyuriti mak long wanpela i no inap long paulim,” Gamato i tok.

Gamato: Hap wok bilong ilektoral rol pinis

PAPUA Niugini Ilektoral Komisina Patilias Gamato i tok Komisen i pinisim ilektoral rol data bilong olgeta 22 provins.

Gamato i tok em i amamas long long wok nau i kamap pinis.

Em i tok rol ol bai yusim long nominesen long taim ol i givim aut 2017 ileksen rit long 20 Epril.

“Dispela i min 2017 rol apdet i wok long go het inap long olgeta toktok i stap i stret long olgeta hap bilong kantri,” Gamato i tok.

Em i tok taim ol lukim olgeta tok long rol bilong olgeta 22 provins i stret ol bai givim dispela tok long

PNGEC hetkuata long Pot Mosbi bipo long 24 Jun.

“Ol manmeri i paul long wanem samting i kamap. Mipela i apdetim tasol 2012 rol na i no mekim ol senis. Sapos nem bilong yu i stap long ilektoret we yu vot long 2012 ileksen orait nem bilong yu i stap. Tasol sapos yu lusim hap yu stap long em na go long narapela hap na stap long nupela hap long las sikpela mun orait yu mas go hariap na givim nem bilong yu.

“Mipela i apdetim rol tu taim mipela i kisim nem bilong ol manmeri husat i kamap 18 krismas nau o abrusim dispela yia

pinis.

“Em dispela apdet tasol mipela i mekim na i no mekim senis o kamapim nupela rol long sampela manmeri i ting o tok.”

Gamato i tok long 2012 Jeneral Ileksen 4.8 milien manmeri i rejista long vot.

Long 2017 5.6 milien manmeri i rejista long vot.

Em i tok long givim bilong Kleim Enrolmen Fom (Fom 11) PNGEC i givim olsem 750,000 enrolmen fom tasol bikos sampela provins i sot long fom Komisen i givim aut narapela 1000 fom na dispela i kisim namba i go antap long 850,000 enrolmen fom olgeta.

PNGEC tokaut long namba bilong 2017 Ileksen kendidet

IKEKTORAL Komisina Patilias Gamato i tokaut long las wik Sarere olsem namba bilong ol kendidet husat i laik resis long 2017 Jeneral Ileksen i abrusim 4000 olgeta.

Em i tok total namba bilong ol kendidet husat i pulumapim baio-data fom (Fom 29) bilong ol i stap long 4068.

Em i tok Hailans rijen i gat bikpela namba bilong ol kendidet wantaim 1719 we bihainim ol em Momase wantaim 1017, Sauten 998 na Niugini Ailans wantaim 334.

Komisina Gamato i tok Sauten rijen i gat bikpela namba bilong ol meri husat

i sainim fom wantaim 71, Hailans 59, Momase 45 na NGL i gat 18.

Progresiv kendidet samari ripot bilong 2017 Ileksen i stap olsem:

- Wes Nu Briten i wanpela provins tasol we no gat wanpela meri i rejisterim nem long sanap long resis long ileksen long taim Morobe na Galp we wan wan bilong dispela tupela provins i gat 18 meri i pulimapim fom long tokaut long resis long ileksen.

Arere long dispela Mista Gamato i tok nominesen fi bilong 2017 Ileksen i stap

wankain yet long K1000 bihain long Palamen i no bin gat inap taim long ritim namba tri na laspela taim long ritim bai dispela lo bilong apim fi i go antap long K10,000.

Wantaim dispela em senis long Oganik Lo long de bilong kamap bilong Nesanel Ileksen na Lokal Level Gavman Kaunsil Ileksen.

“Ol tingting bilong mekim senis long dispela ol lo i wok bilong Palamen na dispela bai wetim kamapim bilong nupela Gavman bihain long Ileksen long tokaut long dispela na kamapim lo long ol,” Gamato i tok.



PIH Saveman Nius

“I kam long Pacific International Hospital Port Moresby”

Ph: 311 3000 and 799 88000 Website: www.pihpng.com

PIH conducts week-long Free Health Camp for College Students for World Health Day

On the occasion of World Health Day, the Pacific International Hospital was on-site at the IBS University Campus from the 3rd of April till the 7th of April screening all students for a basic health check and also having different specialists come down for free consultations.

PIH’s team screened upto 250 students for a basic health check and for identification of any specific issue that they required further attention.

The specialities included Gynecology, Dentistry, General & Internal Medicine, Orthopedics & Sports Medicine and on the final day – Eye Check-ups.

The senior pathologist of PIH also addressed a batch of 150 students on the benefits of Blood donation and answered various questions about the myths & fears that surround it.

The Medical Director of PIH, Dr Suresh Venkita himself came down to consult students on the 5th. He met with the Vice-Chancellor of the University as well for talks about future collaborations. More free dentals check-ups, PAP Smear Tests & other similar appointments are being discussed.

This is part of PIH’s Annual Outreach Campaign to meet and treat as many citizens of PNG as possible.

3rd April 2017 - Gynecology (Dr Fariza Rahman)

4th April 2017 - Dentistry (Dr Shegufta)

5th April 2017 - General Medicine (Dr Suresh Venkita)

6th April 2017 - Orthopaedic (Dr Dinesh KM);

Talk on benefits of Blood Donation (Dr Jonathan)

7th April 2017 - Eye Checks (Eyecare Team)



Dr Dinesh, the PIH Orthopaedics Specialist counselling college students on their sports-related injuries.



PIH Nurse takes BP measurement of student.



The PIH team talks to patients on World Health Day- 7th April.



The Eyecare team, screening students for basic Eye Checkup.



Advanced Infrastructure

Quick Turn-around Time

Flexible Timing - All Days

Australia & New Zealand Visa Medicals

Your hassle-free journey begins here. PIH introduces Visa Medicals for Australia & New Zealand. Now waltz through the health-check for your visa effortlessly with attractive packages.

CALL 7155 8866



Ol Wantok long Papua Niugini.

I no long taim nau bai yumi selebretim wanpela bikpela de insait long Kristen kalenda, dai na kirap bilong Bikpela Jisas Kraiss. Dispela de em i Ista.

Long dispela spesel de, yumi tingim bikpela tisa long wol na ol sakrifais em i mekim long makim yumi ol manmeri bilong graun. Bipo tru 2,000 yia i go pinis, Pikinini bilong God i kam long dispela graun wantaim wanpela tingting tasol em i bilong bungim yumi na mas tanim bel bilong yumi i go long God.

Ol lain manmeri bilong Adam na Eva, yumi wokim sin pinis long ai bilong God na yumi no moa stret-pela. Long buk bilong Rom 5:12 i tok olsem, "Yumi save, wanpela man i bin mekim sin, na logn dispela pasin sin i kamap long graun. Na sin i bringim dai i kam. Na dai i kisim olgeta man, long wanem, olgeta man i bin mekim sin."

As bilong laip i lus ol manmeri bilong graun taim Adam na Eva i mekim sin long gaden bilong Eden. Dai, bagarap, hevi, na sik, em i kamap long sin olsem tasol dai i stap wantaim yumi olgeta

Tasol laip bilong stap oltaim i no lus olgeta. Yumi ol Kristen i save long Baibel ves bilong gospel bilong Jon 3:16, "God i gat wanpela Pikinini tasol i stap. Tasol God i laikim tumas olgeta manmeri bilong graun, olsem nae m i givim dispela wanpela Pikinini long ol. Em i mkeim olsem bilong olgeta manmeri i bilip long em ol i no ken lus. Nogat. Bai ol i kisim laip i stap gut oltaim oltaim."

Pikinini bilong God Papa Jisas Kraiss i ofaim laip bilong em olsem sakrifais bilong yumi bai i gat hop bilong laip i stap oltaim.

Yumi lukim bikpela pasin laikim bilong God na Jisas Kraiss, na yumi ol Kristen bai wanem we yumi soim dispela pasin God Papa i soim pinis long Pikinini bilong em long tok tenkyu long hop yumi i gat?

Yumi bihainim eksampel bilong Jisas Kraiss, em i pikinini bilong God. Jisas inap tru long yusim atoriti na pawa bilong em long bosim olget apipel long graun na mekim em yet i kisim biknem, tasol long olgeta samting em i mekim, Jisas em i soim pasin bilong sori long ol manmeri, i kam long bel bilong em

Toktok bilong Ista Gavana Jenerel Bilong Papua Niugini H.E.MR. Bob Dadae

Bihainim ol eksampel bilong em



stret na em i luksave long God olsem em wanpela tasol em i Bikpela bilong heven na graun. Em i daunim em yet, loyol na save helpim ol lain husat i liklik namba, ol sik manmeri. Em i sanap strong long ol lain husat i wari na sanap long tok tru long daunim ol giaman toktok nabaut.

Yumi mas traim long mekim wok olsem Kraiss i soim yumi long laip bilong yumi. Yumi no inap long senisim wol nau yet tasol yumi wan wan i ken kontrolim ol pasin o eksen bilong yumi na bihainim gutpela kontribuisen long wanem ol

hevi yumi painim long yumi yet. Yumi no ken lukluk na holim wanem rong ol arapela i mekim long yumi, nogat! Yumi lukluk long wan wan pasin na strong na wok long stretim yumi yet long kamap gutpela gen. Yumi mas lainim ol pikinini bilong yumi long rispekim ol arapela na enviromen, pasin bilong tok tru na long wok hat olsem yumi mas soim eksampel i gutpela invesmen yumi ken mekim bilong bihainim taim bilong ol pikinini bilong yumi.

Papua Niugini em i yangpela nesen, na yumi bai bungim planti salens. Yumi ken win long di-

velopim dispela nesen sapos yumi inap long divelopim ol pipel bilong yumi pastaim. Yumi wan wan sapos yumi tu i lukautim spirit nid na fisikel nid bilong yumi, olsem tasol bihainim eksampel bikpela tisa Jisas Kraiss, em bai yumi win i no bilong yumi yet tasol bilong ol famili, komyuniti na nesen bilong yumi.

Yupela olgeta i ken gat amamas bilong Ista!

H.E.Mr. Bob Dadae
Gavan Jenerel ov Papua Niugini

Katolik edukesen sekretari kamapim 5-ya plan

Paul Zuvani i raitim

OL tisa na wok manmeri bilong Edukesen sekta bilong Katolik sios i mas apim level bilong save bilong ol na kisim diploma, basela na masta digri.

Dispela em toktok bilong ol Katolik edukesen sekretari na kodineta bihain long ol i kamap long wan wik wok-sop long Pot Mobsi las wik long kamapim Faiv-ya Strateji Plen.

As tingting bilong kamap wantaim dispela tingting em bilong givim gutpela sapot long ol tisa na wok bilong ol na stap bilong ol ol sumatin na lainim bilong ol.

Het tok bilong konferens em "Pikinini bilong mipela. Lukautim, was na strongim bilip bilong mipela."

Long ol Katolik edukesen sekretari na kodineta ol i tok, "Lukluk bilong strateji em long kamapim Katolik aidentiti o luksave na wok bilong

sios, kamapim kwaliti tisa na lukim gutpela sindaun bilong ol tisa na sumatin na soim gutpela lidasip na menesmen long ol tisa.

Ol i no givim tok orait yet long kamap bilong dispela plen tasol ol i hop wantaim gutpela glasim long bihainim taim ol bai givim tok orait na karim aut dispela plen.

Ol sekretari i tokaut long wok bilong ol na wanem samting ol i mas mekim.

Sampela bilong ol i tok: "Mipela i bilip dispela em i wanpela bikpela divelopmen long helpim ol sekretari na kodineta husat i bin save lukluk long kamap bilong dispela kain plen.

"Wanpela gutpela plen long helpim mipela long wok bilong mipela.

"Dispela plen i kamap bihainim luksave long kain hat wok na hevi ol tisa na sumatin i save gat long em.

"Mipela i amamas na lukluk long kamap bilong dispela."

Arere long toktok bilong kamap bilong Strateji Plen, ol sekretari na kodideta i holim in-sevis na toktok long

wok bilong ol inspekta, Karikulum na Menesmen Sevises Divisen na Tisa Sevis Komisen.

Lukim kamap na givim toktok long ol sekretari na kodineta em Caritas we ol i toktok long Ileksen Awenes

na Sosel Midia em Sosel na Komunikesen Komisen grup i kamap givim toktok.



Ol Katolik Sios edukesen sekretari i bung na kisim poto. Poto: Sr Monika Steinberger

Winim planti prizes nau lo Easter

76003555 or 1555
connect@bmobile.com.pg
www.bmobile.com.pg

Offer em valid inap lo 18th April 2017

Baim moa pack plan (voice, sms na data) na go insait lo draw.

- 1 Top up tete
- 2 Dailim *777#
- 3 Pickim moa pack plan (voice, sms na data)

Pam Sande



Ol mama na pikinini i kamap long Pam Sande misa long St. Peter Channel Katoli Sios long Erima long Pot Mosbi. Poto: Anna Solomon



Pater Lukas Tiala, SVD i redi long blesim ol palmen bilong ol katolik bilipman meri long Erima St. Peter Channel sios long Pam Sande lotu. Poto: Anna Solomon



Kadinal John Ribat, Asbisop bilong Pot Mosbi Asdaioses.

Ista toktok bilong Kadinal John Ribat, Asbisop bilong Pot Mosbi Asdaioses

“ISTA i taim bilong tingim pen, dai na amamasim kirap bilong Jisas,” Kadinal John Ribat i tok long Ista toktok bilong em.

Em i tok long Gut Fraide Jisas i dai. Tasol pastaim long dispela long Holi Fonde Jisas i soim pasin na tok husat man i lida i mas daunim em yet na kamap wok boi bilong ol arapela. Long dispela Jisas i rausim longpela klos, pasim tawel long sait bilong em na wasim lek bilong ol disaipel bilong em.

Bihain em i go long Gaden Getsemani na tingim kain pen em bai karim na i pilim bikpela hevi long bodi bilong em.

Long Gut Fraide em i dai long diwai kros.

Baibel yet i tok Jisas i no skelim stap bilong em olsem em i pikinini bilong God tasol i daunim em yet long mak we em i mas dai long diwai kros (Filipians 2:8).

Long Sande moning em i kirap long dai na em dispela kirap bilong em mipela i amamasim.

Dispela amamas mipela i mekim long las 2000 yia i go pinis.

Long dispela wik mipela i mas tingim dispela wok bilong Jisas i go long Kalvari na strongim bilip bilong mipela.

Long dispela mipela i amamas wantaim bilip, hop na laik.

As tingting bilong dispela ol selebren em long stap wantaim Jisas long heven bihain long mipela i lusim dispela laik.

Long wankain taim Pater Victor Roche, Jeneral Seketari bilong Katoli Bisop Konferens bilong Papu Niugini na

Solomon Ailan i tok Holi wik i wanpela bikpela wik bilong ol Kristen. Long Holi Wik, planti ol samting bilong Salvesen plen bilong God i kamap: pen, dai na kirap bilong Jisas i kamap.

Fr Roche i tok long dispela wan wan manmeri i mas tingim olsem kisim pen i wanpela hap bilong laip bilong mipela.

Yumi i mas tingim: “Mi mas amamas long pen mi kisim long laip, long wanem Jisas i tok, ‘Sapos wanpela i laik kamap disaipel bilong mi, em mas pastaim karim diwai kros bilong em na bihainim mi,” (Mk 8:34).

Holi Wik i taim bilong tingim pen na dai bilong Jisas na Ista i taim bilong tingim kirap bek bilong Jisas long dai.

Tasol em i tok taim mipela i tingim pen, dai na kirap bilong Jisas, mipela i mas tingim tu ol pen na amamas mipela i gat long laik.

Em i tok Gut Fraide i gutpela de bilong mipela i tingim ol hevi mipela i gat long em.

Em i tok tu olsem long taim mipela i amamasim Ista, mipela i wok long redi tu long kamap bilong 2017 Jeneral Ilek-sen.

Em i tok taim ol kendidet i kempen, ol i no ken sutim tok long wanpela na narapela na long tok wanpela i gutpela na i winim ol arapela.

Pater Victor i tok dispela i no stret na gutpela.

Em i tok ol i no ken strongim tingting bilong biknem na mani, tasol i mas strongim tingting bilong kamap sevan bilong narapela.

“Ol lida bilong mipela i mas bihainim pasin bilong Jisas long laikim olgeta man moa long ol i laikim ol yet, mani na biknem,” Pater Victor i tok.

Kadinal John na Pater Victor i wisim olgeta manmeri gutpela na hepi Ista.



Em i tok maski ol samting i kamap 2000 yia i go pinis, mining bilong dispela ol wok i pas yet long laik bilong mipela long dispela taim.

Jisas i kisim pen na dai long sin bilong mipela bikos em i laik soim sori bilong em.

Em i tok: “Bikpela laik bilong wanpela man em long lusim laik bilong em long ol poroman bilong em,” (Jon 15:13).

Mosbi Kristen bai bihainim Rot bilong Kruse

Paul Zuvani i raitim

TUMORA ol Katolik, Angliken wantaim ol arapela Kristen long Pot Mosbi bai mekim Rot bilong Kruse long tingim pen na dai bilong Jisas 2000 yia i go pinis.

I gat bilip wankain wok-about bai kamap long ol narapela hap bilong taun long kantri na arapela hap bilong wol.

Tasol long Mosbi ol oganaisa i tok Rot bilong Kruse bai stat long Don Bosko Teknikel Institut, Is Boroko long 4.00am na bai go olsem long Malaoro, Sabama, Kila Kila, Kaugere, Badili Mobil Stesin, Koki, Ela Bis, St Mary’s Katedral, Konedobu, Friwe, Hohola, Bishop Brothers, Vision Siti, Kone Tigers na Waigani TST.

Ol peris na grup we bai karim kruse na go pas long wan wan stesin em St Joseph’s peris manmeri, Don Bosko Teknikol Institut, Angliken, Holi Rosari, Mary Help bilong ol Kristen, Kraiss the King Peris, St Peter, Holi Nem, Saplansi, St Mary’s Katedral, St Michael’s peris, St Charles Luwanga, Sakret Hat, St Paul, St Martin de Porres na Mary Kwin bilong Pasifik wantaim Yunivesiti bilong Papua Niugini.

Olgeta taim planti manmeri i save kamap na bihainim Rot bilong Kruse na i gat bilip planti moa bai kamap long tumora na wok-about long tingim pen na dai bilong Jisas.

Long yia, 2016 i lukim i namba wan taim hevi i kamap we wanpela spakman

i ran na bamim wanpela man na meri long Sir Hubert Murray Haiwe long Murray Barracks. Tupela man na meri i no dai tasol i kisim liklik bagarap. Polis i bin bihainim dispela draiva na holim pasim em long 2 Mail.


Tasol long nau apinun long siks (6) kilok inap olsem 20 yangpela long wan wan peris long Mosbi bai kamap long Don Bosko Teknikol Institut we ol bai stap insait long Misa stat long seven kilok.

Bihain long dispela bai gat ol pilai we i soim taim we Jisas i karim diwai kruse na wokabout i go long maunten Kalvari.

Dispela ol pilai bai kamap long nait inap long 4 kilok moning long Fraide we ol manmeri bai statim Rot bilong Kruse.



Kristen manmeri i bihainim Rot bilong Kruse na karim diwai kruse long Pot Mosbi.



Ista toktok i kam long opis bilong Het Bisop bilong Evanjelikal Luteran Sios bilong PNG - Reveren Jack Urame



Mi makim maus bilong Evanjelikal Luteran Sios bilong Papua Niugini na mi laik salim tok amamas bilong Ista i go long yu wantaim na bel isi bilong Bikpela Jisas Krai.

Ista i gat spesel mining long laip bilong yumi. Stori bilong Ista long olgeta yia i save tokim yumi gen namba wan wok God i mekim long soim laikim bilong em long man bilong graun. Insait long mari-mari bilong God em i givim Pikinini man bilong em olsem wanpela pikinini sipsip bilong wokim sakrifais long God long sevim yumi. Hevi na dai bilong Krai i save soim yumi long wanem kain laik God i gat long yumi manmeri na em i kisim yumi olsem ol pikinini bilong em. Ol pen Krai i karim i mekim yumi tingim bek marimari bilong God em i hat long yumi manmeri bilong graun i save tru. God i save kam long yumi insait long Pikinini man bilong en na givim laip bilong em long yumi.

Ista i save mekim yumi long tingim bek olsem God i bin rausim rong bilong yumi pinis na em i kisim yumi bek long em yet na kolim yumi pikinini bilong em taim yumi stap yet aninit long kalabus bilong sin. Krai i givim ofa antap long diwai kros long bringim yumi i go bek long God. Em i bringim yumi i go bek long amamas long felosip wantaim Papa bilong yumi. Dispela em i Marimari bilong God na gutpela pasin bilong em na long strong bilong Krai yet na i no gutpela pasin bilong yumi.

Ista tu em i stori bilong God long lusim rong. Krai i karim ol sin bilong yumi antap long bodi bilong me yet long kisim bek yumi. Em i kamap wanpela medieta o namel man bilong stretim toktok wantaim God long lusiim rong bilong yumi na bringim yumi i go bek long his Yumi nidim God bikos yumi olgeta i bin kisim pasin nogut bilong olupela bel we i kam long taim namba wna man Adam I bin sakim tok bilong God.

Olsem na Krai i karim sin bilong yumi long bodi bilong em yet long kisim bek yumi. Em i kamap namel man bilong stretim toktok bilong kot na wanpela sakrifais bilong God i save luisim rong long ristoring rilesensip bilong en wantaim God. Olsem na ol wok bilong Ista i toktaut long laikim bilong God long yumi. m i no les long yumi tasol em i lusim rong bilong yumi nating na klinim yumi wantaim blut bilong pikinini man bilong em i dia tumas.

Taim yumi lukluk i go bek long mining bilong Ista yumi tingim gen olsem yumi i no ol ausait manmeri tasol yumi em

Pikinini bilong Papa. Yumi lukim yumi yet olsem i no yumi stap tasol Krai i stap long yumi insait long Krai. Yumi kam bung wantaim long God na yumi gat as bilong laip bilong yumi yet stap insait long em.

Long Ista de, Krai i save stretim ol tok hait bilong God na plen bilong kisim bek man. Olsem na yumi mas amamas na selebretim long wanpela we i gat mining long givim glori i go long Papa long heven. Ol Ista selebresen bilong yumi i mas i gat tok tenkyu bilong wanem samt-ing God i mekim insait long laip bilong yumi. Samting bai yumi mekim long selebretim Ista em i no ken wosip bilong winim tingting bilong God, tasol long tokaut olsem God i bin gutpela tru long laip bilong yumi long kirapim gen ol bun i bruk pinis long wok bung wantaim God na ol narapela lain i stap klostu. .

Ista i bringim toktok bilong lusim rong, mekim bel isi, kamapim gen rilesensip na long oraitim sik. Krai i givim laip bilong em yet long stretim pasin Poroman bilong yumi wantaim God. Dispela em i namba wan toksave bilong Ista. Olsem na em i minim wanem long laip bilong yumi long hap yumi stap. Toktok bilong Ista bai kamap tru long laip bilong yumi, ol famili bilong yumi, wok ples bilong yumi na komyuniti bilong yumi, sosaiti na long kantri olsem wanem? Yumi mas tokaut olsem i gat bruk yet namel long yumi na God na wantaim ol famili na wantok bilong yumi. Planti ol wan wan man, famili na komyuniti i kisim hevi long dispela kain bruk na i wok long painim rot bilong kamap orait, kisim bel isi na wanbel.

Tude yumi bungim planti hevi we i save bagarapim sindaun bilong ol pipel, ol komyuniti, ol sios na kantri bilong yumi. Ol dispela hevi em i planti kain tumas na i givim hevi long ol pipel, komyuniti a sios na nesen bilong yumi. Pasin bilong stap wan wan i wok long daunimn pasin bilong stap olsem komyu-

niti. Kain laip bilong serim na kea long wanpela narapela i bin go daun moa. Teknoloji i rausim pasin bilong ol pipel i save bung wantaim na toktok. Ol kain kain samting bilong graun i mekim ol piple i kamapim klas sistem we sampela i gat gutpela moa laip long ol narapela na mekim ol i stap longwe.

Planti marit bilong wok long bruk daun na famili i save kisim hevi. Vailens long kain kain we i save kamapim birua tingting namel long ol ol pipel. Planti pipel husat i save stap long namel i save safa

bikos i no gat man i laikim ol na i kisim ol insait long komyuniti. Planti i save pilim olsem ol man i no luksave long ol bikos ol i no gat bikpela luksave long ol komyuniti ol i stap long en. Ol i no pas tumas wantaim komyuniti bilong ol. Ol i pilim olsem ol i stap long arere bilong sosaiti bikos ol i no laikim ol. Planti i hangre na nek drai bikos i no gat wara na i no gat kaikai. Ol narapela i save painim hevi bilong ikonomi na wansait pasin. Ol dispela hevi i soim komyuniti na sosaiti i bel

bruk long lukim na klinim sosaiti. Yumi no ken brukim ol dispeal tok tru olsem ol i samting nating bilong bodi na spirit i no kontrolim. Olsem sios, kantri na sivel sosaiti yumi mas sanap wantaim na bungim han wantaim na rispek long givim tok i go bek long ol pipel bilong yumi.

Jisas i kam long graun long lainim na autim tok bilong Kingdom bilong God na long helpim ol man long stap gut long graun long ikonomi na politikal laip bilong ol. Em i kam long kamapim oda long ol pipel, bel isi na wanbel pasin. Em i no kam bilong kisim bek ol gutpela manmeri i gat nem tasol, nogat. Em i givim laip bilong embilong helpim ol save lain, lain i gat mani. Em i dai long olgeta manmeri i no long lotu lain tasol. Em i bin givim taim long ol sin manmeri, ol lain bilong kisim takis, ol lain i stap long namel nating, ol aipas, ol han na lek i bagarap, ol lain i yau pas. Em i givim wanpela gutpela piksa bilong misin na

tisa long wol gutpela mining wantaim laikim bilong God. Bikpela laikim bilong God i kamap long diwai kros. Krai i soim yumi pasin bilong laikim: Em i pasin bilong givim, serim, helpim, lukautim narapela lain husat i gat nid.

Toktok bilong lusim rong na kamap wanbel wantaim ol narapela, oraitim sik na kisim bek pasin bilong amamas long givim gutpela pasin bilong God i go long ol narapela. Olsem na mipela i gat singaut long soim gutpela pasin bilong God long pasin na toktok bilong yumi. Olsem Kristen Sios yumi mas tingting gut long wanem kain laip yumi soim long ol narapela i stap klostu long yumi. Namel long ol wari i stap long ol haus na famili, komyuniti na sosaiti, Ista stori i helpim yumi long lukluk long ol pipel husat i stap raun long yumi na long yumi helpim ol wankain olsem God i lukim ol na bekim hevi bilong ol wantaim Krai. God i givim wok bilong oraitim ol sikman na gutpela tingting gen long ol narapela.

Sapos yumi no mekim gut long ol lain i stap klostu long yumi, em yumi lus pinis long pasin Kristen olsem Jisas I tok: "Mi bin hangre na yu no bin givim mi kaikai. Mi bin stap long haus kalabus na yu no go lukim mi. Mi bin no gat klos na yu no givim mi wanpela klos long putim. Mi bin nek drain a yu no givim mi wara."

Olgeta pipel em God i kamapim ol long piksa bilong me yet. Krai i dai long olgeta manmeri olsem na gutpela pasin iblong yumi em long soim laikim bilong God. Yumi gat wok long mekim dispela.

Wantaim dispela tingting bilong tok bilong God yu ken selebretim dispela Ista long trupela spirit bilong laikim. Soim gutpela pasin. Lusim rong. Oraitim sik. Kamapim gutpela sindaun namel long ol pipel. Mekim wok bilong yu olsem wanpela pikinini bilong God husat stap wanbel wantaim God.

Mi askim yupela long no ken selebretim Ista wantaim bia o mekim sampela pasin we bai bringim nem nogut long God, bagarapim nem bilong God, bagarapim pasin na nem bilong yu na komyuniti bilong yu. No ken kirapim trabel o bagarapim sindaun bilong ol narapela. Mekim wok bilong yu na givim gutpela bel isi long sosaiti olgeta taim long famili bilong yu, komyuniti bilong yu nba naispela kantri Papua Niugini.

Yupela i ken gat gutpela Ista!

Rt. Rev. Jack Urame
Het Bisop Evanjelikal Luteran Sios
ov Papua Niugini.





Skelim gut ol kendidet pastaim na makim ol trupela lida

NESENEL Palamen i pinis nau na ol memba i go bek kempen long wan wan ilektoret bilong ol.

Taim bilong kempen i no op yet tasol i gat ol lain i statim pinis kempen bilong 2017 nesenel ileksen. Long Pot Mosbi, i gat ol nupela kendidet i statim kempen pinis. Ol i yusim pasin bilong yumi ol Papua Niugini long taim bilong ileksen we bai i gat ol bikpela bung kaikai na dring na ol spot kompetisen i kamap inap long taim bilong vot.

Palamen i bin hariap tumas long pinisim bung bilong en, olsem na ol memba i no bin gat sans long paitim toktok long sampela impoten lo bilong ileksen na mekim ol senis. Ol kain samting olsem nominesen fi, taim bilong ileksen bilong ol LLG, fi bilong salensim disput long kot, na ol arapela liklik samting i hangamap nating nau. Tasol Ilektoral Komisina i yusim pawa bilong em long klaim rot long sampela bilong ol dispela samting na mekim dispela ileksen i ran gut.

I gat mani i wok long kapsait long ol bikpela bung bilong ol politikal pati we ol i tokaut long polisi bilong ol na nem bilong ol kendidet. I luk olsem ol politikal pati i wet inap taim bilong ileksen na ol i wok long tokaut long polisi bilong ol. Ol i bin stap we long las 4-pela yia na i no laik tok klia long pablik long polisi bilong ol?



Sapos yumi lalik senisim pasin bilong votim ol gutpela lida, orait yumi mas skulim ol pipel long klia long wanem polisi wan wan pati i gat na ol pipel ken skelim tingting

na makim kendidet. Tasol i luk olsem dispela olpela pasin bilong haitim tok i no pinis yet. Ol i pret long wanem na i no laik mekim aweanes long polisi bilong ol?

Mun Epril em i taim nau bilong wetim nominesen i op na taim bilong kempen i kamap ples klia. I gat ol gutpela samting dispela gavman i bin kamapim long las

faiv yia em i go pas long kantri. Na i gat sampela bikpela salens tu i bin kamap. Gavman i mekim gut wok o nogat em i samting bilong wan wan memba na ilektoret bilong em.

Yumi hop bihain long 2017 ileksen, bai kantri i gat ol gutpela na stretpela lida husat i ken sanap strong na mekim wok long helpim sindaun bilong wan wan ilektoret insait long kantri. PNG i no gat tupela o tripela politikal pati we bai isi long makim ol lida. Yumi gat 40 politikel pati nau.

Long dispela wik, long taim yumi redi long Ista, yumi ken tingim Bikpela lida bilong yumi Jisas Kraus husat i nambawan eksampela bilong trupela lida. Em i no gat kam long kisim biknem na namba hia long gaun. Em i kam long autim Gutnius i go long olgeta manmeri bilong graun na laip bilong em i bihainim stret ol toktok bilong em.

Yumi i ken skelim dispela tok piksa na skelim yumi wan wan na makim gut ol manmeri husat bai kamap trupela lida. Hepi Ista griting i go long yumi olgeta.

Ista toktok i kam long siaman bilong Word Publishing

Dia ol poroman bilong Wantok,

TAIM bilong Holi Wik na Ista em i bikpela pestode bilong ol Kristen na em i bikpela pestode bilong Papua Niugini tu.

Manmeri i soim dispela long ol bikpela lotu na prosesio. Wanpela lotu prosesio i save bungim planti manmeri em i Gut Fraide.

Olgeta yia ol niuspepa, ol redio na TV i soim prosesio bilong karim kruse long Gut Fraide.

Wankain, ol bikpela taun na ol senta ol i pulap long ol manmeri husat i putim kain kain mak bilong sori na mak bilong man i dai. Taim ol i wokabout wantaim Kruse, planti ol i laik putim han bilong ol long Kruse bilong soim respek. Husat i laki em i gat sans long karim Kruse - em bai pilim olsem Saimon bilong Sairini i helpim Jisas. Sampela i kra i sori, sampela i soim bikpela wari, olsem ol meri bilong Jerusalem i sanap klostu long rot Jisas i wokabout.

Gut Fraide i mekim na yumi olgeta i tingim gen Jisas i karim bikpela pen na i dai, na yumi save em i no gat rong liklik. Tingting na hat bilong yumi i no wanbel. Yumi pilim strong - i mas i gat senis.

Samting em i no stret. Sampela i tok, sapos mi stap long taim bilong Jisas bai mi no inap sanap nating. Bai mi mas helpim em, mi mas mekim samting.

I tru, yumi mas mekim samting.

Yumi no wanbel long ol i kisim Jisas i go long kot bilong Pailat, long ol manmeri i singaut: "nilim em long diwai kros", long ol husat i soim pinga long Jisas na makim em long i dai. Tasol tude, 2000 yia i go pinis, pasin i no senis: ol dispela niuspepa, redio na televisen i save soim na tokaut long Gut Fraide prosesio wantaim Kruse, ol dispela nius wok tasol i save bringim planti nius long pasin bilong bagarapim manmeri.

Tude, hamas taim ol i putim pinga long narapela na maus i singaut: kilim em i dai. Wanpela maus i singaut, narapela i bihainim, olgeta i joinim long tok: kilim em i dai. Tude, hamas taim ol dispela han i laik helpim long karim kruse bilong prosesio, dispela han tasol i save helpim long givim pen long narapela.

Tude, hamas taim giaman tok/kot i save bagarapim laip bilong ol man o meri i no mekim rong. I luk olsem pasin bilong Gut Fraide i pas long laip bilong yumi. Gut Fraide i no pinis.

I tru, yumi mas mekim samting.

Stori bilong Holi Wik i no pinis long Gut Fraide. Long Ista Nait Jisas i kirap bek. Em i stap laip. Na em i "stap wantaim yumi inap long dispela taim i pinis". Moa yet, em i stap wantaim yumi, taim em i tok: "Wanem samting yupela i mekim long wanpela brata/susa i no gat nem liklik em yupela i mekim long mi."

Holy wik i bringim yumi long Ista Sande, em i taim bilong tingim Jisas i win. Em i dai, tasol em i kirap bek. Pasin bilong em pasin i isi, pasin bilong marimari, pasin bilong laikim narapela, pasin bilong pogiv, ol dispela pasin em i mak bilong win. Yumi mas mekim wankain i go het. Yumi mas redi long holim Ista insait long laip bilong yumi. Long dispela senis bai kamap.

Olsem na mi wishim yupela, ol lain i save ritim Wantok Niuspepa, na olgeta manmeri, bai Ista i bringim Blesim bilong Bikpela long yupela na helpim yupela long painim bel isi bilong Jisas i Kirap long i dai na mekim kantri bilong yumi Papua Niugini i lukim senis tru.

I tru, yumi mas mekim samting.

Fr Janusz Skotniczny, SVD
WP Siaman



Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea
Telephone: (675) 325 2500
Fax: (675) 325 2579
Email: editorial@wantokniuspepa.com

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Frieda Sila Kana

Printed and Published at:
Dove Travel Building,
Level 2, Section 24: Lot 25,
Angau Drive/Lahara Avenue
Junction, Boroko.

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.




Rt. Hon. Sir Julius Chan

GCL GCMG KBE MP

Gavana bilong New Ireland
Long tingim pinis taim wok politik
bilong Sir Michael Somare

“Kepten bilong sip bilong Kantri”



Sir Julius Chan wantaim Sir Michael Somare long 1978

Mi laik toktok tu long wanem samting ol arapela i tokaut pinis long tok stret long gutpela na bikpela wok Gren Sif Sir Michael Somare i mekim long histori bilong Papua Niugini

Husat bai longtaim luksave long kamap bilong man mama karim long 9 Ogas, 1936 long Rabaul we i stat bilong naispela laip wokabaut bilong em tasol moa yet long kamapim nupela kantri, kantri we i no wankain olsem ol arapela long wol?

Na mi mas tok mi bin stap long planti bilong dispela wokabaut. Mipela i go bek liklik moa, Sir Michael na mi. Mitupela wantaim ol i ilektim i go long Namba Tu Haus ov Asembli long 1968.

Mi no inap bilipim, dispela em long 1968, Sir Michael. Dispela bai 50 krismas long narapela yia mitupela i save long mitupela moa long 50 yia ...hat long bilipim olsem sampela taim mi kamap draiva bilong yu.

...tasol mi tingim/

Mi tingim gut dispela ol de bilong bipo. Em ol de bilong traime na save, ol de bilong driman na traime, ol de we mipela inap long mekim samting we mipela inap driman long mekim. Na mipela i kisim olgeta luksave na sapotim bilong ol manmeri.

Na mitupela i serim samting we i luk namba wan taim olsem gutpela driman – olsem dispela ol teritori bilong Papua na Niugini i mas bung wantaim, tasol i mas bung wantaim olsem Indipenden Kantri, olsem memba bilong ol kantri long wol, sanap long lek bilong mipela yet, wankain olsem ol arapela kantri long wol.

Pastaim em i liklik grup we i soim rot. Wapela liklik grup bilong ol lain bilong driman, husat i serim wapela driman. Dispela i kisim Sir Michael, Pangu Parti na insait long dispela em Sir John Guise, Albert Maori Kiki, Sir Barry Holloway, Cecil Abel, Tony Voutas, mi wantaim People's Progress Pati na dispela i kisim Sir Donatus Mola, John Maneke na Paulias Arek.

Mi tingim mipela i kamapim Gavman bihain long Namba Tri Haus ov Asembli ileksen long 1972. Pangu na PPP i sanap wantaim we dispela i kisim mipela i go long kisim Indipendens. Sir Michael i kamap Sif Minista i go pas na mi olsem Minista bilong Intenel Fainens (Enjinia) long enjin rum aninit.

...Na mipela go daun/

Mipela i mekim wok stret. Na oloboi, i bin gat wok long mekim.

Mipela i mas skelim long kain

Gavman mipela i laik kisim. Mipela i mas kamapim Mama Lo. Mipela i mas lukim olsem mipela i gat mani long sanap bilong mipela yet na dispela mipela i mas kamapim sentrel benk we bai kisim ples bilong Komenwel Benk na kamapim benk bilong mipela em Papua Niugini Benking Koporesen (PNGBC) na yes, karensi bilong mipela yet. Mipela i mas tokaut klia long mipela yet bipo long ol bikpela bodi long wol olsem Yunaited Nesens, Wol Benk na Intanesenel Monitari Fan (IMF).

Tasol mipela i mekim. Na insait long dispela Sir Michael i Sif bilong mipela. Sir Michael i kepten bilong mipela, kepten bilong Sip bilong Kantri. Em i stiaim mipela long taim nogut, i karamapim mipela na i kisim mipela i kam kamap gut long kisim Indipendens.

Na mipela i no ken daunim mak bilong ol samting em i kisim. Noken lus tingting long hatwok i kamap long kisim dispela. Tingim mipela i traime long bungim wantaim kantri we i gat planti tausen kalsa. Moa long 800 tok ples. Ples we stap bilong ol traibe na klen i save laik traime strong bilong ol yet na we sampela taim hevi i save kamap moa long wok bung na bel gut pasin i stap.

... dispela i no gat/

Dispela i no ples bilong wapela, tupela o tripela lain

tasol, i no ples we wan wan lain i serim kalsa na bilip. No gat.

Teritori bilong Papua na Niugini – o Papua Niugini – i luk olsem i wapela ples we planti ol kalsa i bung wantaim tasol em ol sosaiti husat i stap bilong ol yet.

Traime tingting long dispela. Taim Papua Niugini i join wantaim Yunaited Nesens long 1975 em i gat namba bilong ol memba olsem 144.



Tasol Teritori bilong Papua na Niugini i gat moa long tausen wan wan ol kantri, tausen narapela narapela ol kalsa we ol gat tok ples bilong ol yet.

Nau em i olsem Tawa bilong Babel. Na dispela em Sir Michael Somare i traime long skelim na bungim wantaim dispela teritori, Papua na Niugini. Tasol Sir Michael i kepten na em i gat kontrol o strong.

Hamas bilong yupela i ken tingim krai bilong Nu Ailan man Johnson bilip we i tok

long bruk i go, Bogenvil Indipendens muvmen na Papua Besena?

...Trupela samting em/

Trupela samting em kantri bilong mipela i wok long bruk bipo long em i kam bung wapela. Bikos long kain sindaun em i bin hat liklik long mipela bung wantaim long kisim Indipendens. Em i laik husat i bin wok longtaim wantaim long olsem faivpela i go long 10-pela krismas.

Na mipela – olgeta Papua Niugini – i laik long gat Michael Somare husat i go pas long mipela na em i kisim kontrol.

Em i kisim mipela i kam bung wantaim bihain long 1972 Jeneral Ilekken na bihain long 1973 kamap kisim Self-Gavman na wantaim strongpela tingting i kisim Indipendens.

Sir Michael i gat save long lukim olsem long kamapim wapela kantri long planti ol tausen kalsa, yum mas gat ol manmeri long planti hap bilong kantri.

Sir Michael oltaim i nesanelis. Em i kisim ol manmeri long Albert Maori Kiki bilong Galp Papua sait. Em i bringim Pater John Momis long Bogenvil long kamap Minista bilong Disentrelaisesen long bipo long Indipendens na mi yet na John Kaputin long Niugini Ailans na Iambaki Okuk na Thomas Kavali bilong

Hailans.

... Mipela i save long dispela/

Mipela i save olsem sapos kantri i bruk, kantri bilong mipela bai kamap Papua na Niugini na kantri bilong Bogenvil, na mipela bai lus. Mipela i laikim wapela na narapela. Tasol moa long dispela, mipela i laik strongpela lida na mipela i laikim wapela man husat 100 pesen laik long yunaitim, fri na indipenden nesens long Papua Niugini.

Sir Michael em dispela man.

Olgeta lain manmeri i save olsem Sir Michael na mi i save gat narapela narapela tingting. Sampela taim mitupela i no save wanbel long sampela samting.

Na dispela em i ples klia taim yu gat ol strongpela man husat i gat ol tingting na i bruk long 7 Novemba, 1978. Dispela em i wapela sori de mi ken tingim long poroman wok politik bilong mitupela.

Ol bel hevi bilong mitupela em long taim mitupela i ting long rot we mitupela i laik bai kantri bilong mipela i mas kamap gutpela. Tasol antap long olgeta dispela ol tingting mitupela em ol gutpela poroman na gat famili rilesen na rispek i stap namel long mitupela.

Bel hevi bilong mitupela i bin

oltaim long wanem samting mitupela i mas mekim na i no bihain taim long ol samting. Mitupela oltaim i gat wankain ol as tingting, mitupela wantaim i gat laik long Papua Niugini i mas kamap gut. Bruk tingting i kamap long taim we mitupela i makim ol rot long bungim dispela ol as tingting.

... long nau/

Long tude mi laik salutim Sir Michael Somare, kepten bilong Sip bilong kantri.

Long tude mi laik tok klia olsem em i bin gutpela long mi long mitupela i wokabaut wantaim long moa long 50 yia na mitupela i tok stap bilong demokrasi na yuniti bilong PNG i stap long gutpela ol yangpela lida long ol i mas bringim dispela pawa long Waigani i go long ol provins na ol distrik.

God i blesim Sir Michael Somare na Ledi Veronica na famili we em oltaim i save lusim.

Na nau God i blesim Prais Minista bilong mipela Peter O'Neill, Spika, Sif Jastis, ol Minista, ol Memba bilong Palamen na ol manmeri bilong Papua Niugini.

Mi wisim yupela olgeta gutpela taim long ol ileksen i kam.

God i long stiaim bihain bilong yumi.

NCDC 21 gan salut gutbai long Somare



Gren Sif Sir Michael Somare i rausim karamap bilong wanpela plak long ples we ol i bin daunim plak bilong Australia na apim plak bilong Papua Niugini. Foto: Nicky Bernard.

Frieda Sila Kana i raitim

GAVANA bilong Nesenel Kepital Distrik (NCD), Powes Parkop wantaim ol pipel bilong Nesenel Kepital Distrik i tok gutbai na tenkyu long Gren Sif, Sir Michael Somare olsem papa bilong kantri wantaim bikpela motoked na 21 gan salut long Pot Mosbi asde.

NCD Gavana i mekim luksave bilong en wantaim motoked stat long haus palamen na i bihainim rot i go daun long Sir Hubert Murray Stadium long Konedobu we ples bilong Australia plak i bin go daun na nupela Papua Niugini plak i go antap long 16 Septemba 1975 taim Papua Niugini i kisim independens.

Long luksave, Gavana Parkop i tok tenkyu long Sir Michael Somare na Ledi Veronica Somare long tupela i kamap long dispela taim bilong bung.

“Mipela i gat bikpela ona na tenkyu long yu tok orait long singaut bilong mipela na larim ol pipel bilong Siti long bung wantaim yu long ol selebresen, tok luksave na gutbai long yu, long olgeta gutpela sevis yu givim ol pipel bilong mipela na kantri,” Mista Parkop i tok.

“Gren Sif mipela i laikim yu tru long bel bilong mipela na kolim yu ‘Papa bilong nesen. Dispela nem na taitel em i ona we yu inap tru long kisim.

“I gat planti lain husat i bin bung wantiam yu long kamapim driman bilong yu long i gat fri demokretik na Indipenden Stet ov PNG tasol em i no inap kamap sapos yu i nogat. Yu bi gat driman, bel kirap na strongpela tingting long kamapim olsem na em i kamap long we bilong em.

“Olsem na mipela bai oltaim tok tenkyu long dispela pasin. Mipela bai oltaim onaim yu olsem Papa

bilong nesen. Yu winim dispela kain ona na yu tasol husat inap long gat dispela kain nem.

“Tude mipela i tok gutbai long yu long kain bikpela wok sevis yu givim long nesen Gren Sif. Long makim ol pipel bilong Siti, mi laik tokaut gen olsem yu em Papa tru bilong dispela kantri tasol yu yet yu as bilong em na olgeta gutpela samting i kamap long en.” Gavana Parkop i tok.

Insait long seremoni, Sir Michael i bin rausim karamap bilong wanpela plak long hap ples we bipo koloniel edministresen bilong Australia i daunim plak bilong ol na we Papua Niugini plak i bin go antap long namba wan taim olsem wanpela Indipenden stet.

Planti skul pikinini tu i bin kamap long lukim dispela selebresen wantaim olgeta Papua Niugini insait long Pot Mosbi siti.

Tru long tok Sir Michael papa bilong PNG, Polye tok

EM i stret long tok Sir Michael i papa bilong Papua Niugini, Oposisen lida na Memba long Kandep Don Polye i tok.

Em i tok Sir Michael i bungim kantri wantaim, go pas long kisim Indipendens, kamapim Mama Lo, strongim ikonomi, kamapim ol lidaman na soim pasin bilong gutpela family.

Long dispela Polye i tok em i no asua long manmeri i kolim Sir Michael Papa bilong Kantri.

“Mi lukim em i save kamapim lida, em save bungim ol man, i kamapim Mama Lo, i bihainim lo, i strongim ikonomi na soim pasin bilong strongim famili,” Polye i tok.

“Yu mas amamas long ol wok na pasin yu gat na soim long ol manmeri.

Em i tok Sir Michael i gat rispek long ol samting e mi kamapim olsem pablik sevis, Mama Lo, wok bung wantaim ol narapela kantri na olsem e mi no save go bagarapim gen.

Polye i tok taim Sir Michael i no ranawe, pait bek, ol painim rot long

pasim ol toktok taim Ombudsmen i kotim em.

Em i tok Gren Sif i sanap long sait taim Ombudsmen i kotim em na i go long kot.

Em i tok Sir Michael i kamapim Palamen.

“Palamen i pulap long ol lida yu yet i helpim long kamapim.

“Palamen i wok yu kamapim.

Em i tok taim ikonomi i bagarap tru long 2002, Sir Michael i bungim ol yanpela lidaman olsem em yet (Polye) na ol arapela olsem Bart Philemon, Sir Moi Avei na Dokta Puka Temu i traim long strongim ikonomi gen.

Em i tok praim minista Peter O’Neill, William Duma na ol arapela nupela politisan em Sir Michael i helpim long kamapim.

Polye i tok

Em i tok Somare i gat sevan lidasip kwaliti. Em i no save subim tingting bilong ol arapela. Em i save bungim ol man na tokim ol tingting bilong em. Sapos ol i wanbel ol bai bihainim dispela tingting.

“Somare em dispela kain lidaman. Mi laik bihainim pasin bilong em long stap



Don Polye, Oposisen lida.

olsem lidaman.

“Mi lainim planti samting long em na sampela ol dispela ol samting em long honesti, tok tru, tok stret, sanap strong egensim ol traim na ranim gut gavman.”

Em i tok wan wan ol lidaman i gat kain kwaliti na Sir Julius Chan, Gavana bilong Nu Ailan i wanpela bilong ol.

Polye i tok Sir Michael i wanpela strongpel Kristen man na i save lukautim gut famili bilong em.

Em i tok tenkyu long Ledi Veronica na famili, ol i givim long Sir Michael long wok politik bilong em.

Em i strongim tingting bilong Sir Michael na tok ol tingting na pasin bilong em, ol nupela lidaman bai holim.

Hela pipel wari long Anderson Agiru senta

Timon Henry i raitim

OL 300,000 pipel bilong Hela provins i no wanbel long lukim Anderson Agiru Pawa Senta o no gat wanpela senis i kamap long soim pasin amamas na tenkyu.

Dispela singaut i kam long wan wan komyuniti lida long kaunsel olsem Mista Agiru em i go tasol han mak

bilong em i stap long olgeta hap bilong Sauten Hailens na Hela provins.

Komuniti lida bilong komo Nogoli, Wakima Tombe-timbu i tok. Moa Law na oda isu i pulap na Hela Edministresin i slip na nogat hanmak bilong em.

Maus meri bilong ol Meri Prisila Wako i tok planti pablik seven i raun nating na

kisim pe we edministresin inap long lukluk tasol ol i no save kam.

Mis Wako i tok planti Meri na yut no gat gutpela komyunikesen long antap level na planti i kisim bagarap long sik HIV na Aids na ol mama tu i wok long kisim hevi long ol kain kain sik malaria TB and arapela sick moa.

O’Neill: Givim luksave long nenesel yuniti

Paul Zuvani i raitim

PRAIM Minista Peter O’Neill i tok manmeri i mas givim luksave long rot Papua Niugini i kisim Indipendens na kamap wanpela kantri.

Em i tok long ples we i gat planti kalsa na tok ples em i hat long wanpela i kamapim bel is na bungim ol long kamapim wanpela kantri.

Manmeri i mas givim luksave na amamas long kain sindaun i kamap.

O’Neill i mekim dispela tok long taim Palamen i tok gut bai long Sir Michael Somare long em i pinis wok politik long las wik.

Em i tok maski long planti tok ples, man husat i go pas long bungim ol manmeri na kamapim wanpela kantri em Sir Michael Somare.

“Mipela i save lukim yuniti na bel isi mipela i gat olsem em samting nating,” em i tok.

“Tasol long kamapim wanpela kantri, dispela i

kisim planti hatwok.

Em i tok sapos ol manmeri i no save ol i ken lukim tasol long bipo na nau we em i no isi long wanpela grup o manmeri i laik bruk na kamapim kantri bilong ol yet.

Dispela i save kamapim bel hevi na planti taim laip i save lus tasol long Papua Niugini dispela i no kamap.

Moa yet sapos manmeri bilong narapela traib, tok ples o kalsa i stap long wanpela kantri, ol bai pait i go kam.

“Nesenel yuniti na bel isi i as bilong yumi stap wanpela kantri na soim ol demokrasi bilong mipela.

“Save bilong Sir Michael long wok wantaim ol arapela bipo na bihain long Indipendens i soim demokrasi mipela i gat long em.”

O’Neill i tok sapot Sir Michael long ol arapela lida bilong bipo olsem Sir John Guise, Sir Albert Maori Kiki, Sir Julius Chan, Sir John Guise, Sir Rubeun Taureka, Sir



Praim Minista Peter O’Neill.

lambakey Okuk na sampela moa i mekim rot bilong kantri long kisim Indipendens isi.

Em i tok dispela haus bai narapela kain taim ol memba i kam bek long namba 10 Palamen bihain long Julai Nesenel Ileksen.

Em i makim kantri long tok tenk yu long wok na sevis Sir Michael i mekim na givim long kantri.

O’Neill it ok tenkyu tu long Ledi Veronica na ol pikinini bilong Sir Michael long sapot ol i givim long Sir Michael long taim em i wok politik.

Chan: Somare bungim bruk PNG wantaim

Paul Zuvani i raitim

BIPO long Indipendens ol manmeri i ting sapos kantri i bruk, kantri bai kamap Papua na Niugini na kantri bilong Bogenvil.

Long dispela Gavana bilong Nu Ailan Sir Julius Chan i tok dispela bai mekim Papua Niugini bai i lus.

Em i tok ol toktok i kamap long bruk tasol wanpela samting em ol manmeri i laikim wanpela na narapela na dispela i hat.

Insait long dispela toktok bilong kantri i bruk, ol i laikim tasol wanpela man husat inap long pasim ol tingting bilong bruk na bungim kantri wantaim.

Long dispela taim ol i lukim Sir Michael Somare i dispela man inap long go pas long bungim kantri.

“Sir Michael i nesanelis. Em i kisim ol man olsem Albert Maori Kiki bilong Galp, Pater John Momis long Bogenvil, mi

yet na John Kaputin long Niugini Ailans na lambaki Okuk na Thomas Kavali bilong Hailans,” Sir Julius i tok.

“Sir Michael i wok hat long mipela i mas stap wantaim.

“Mipela i save sapos kantri i bruk, kantri bilong mipela bai kamap Papua na Niugini na kantri bilong Bogenvil, na mipela bai lus.

“Mipela i laikim wanpela man husat inap givim 100 pesen tingting long bungim, go pas long Indipendens na mekim Papua Niugini i fri.

“Dispela man em Sir Michael (Somare).”

Sir Julius i tok Teritori bilong Papua na Niugini (Papua Niugini) i luk olsem wanpela ples we planti ol kalsa i bung wantaim tasol ol sosaiti i stap bilong ol yet.

Em i tok hamas ol man i ken tingim kra i bilong Nu Ailan man Johnson Bilip we i tok long bruk i go, Bogenvil Indipendens muvmen na Papua Besena?

Em i tok Papua Niugini i olsem Tawa bilong Babel long Baibel stori.

Em i tok long wok i stap bilong bungim kantri wantaim wanpela i mas tingim kain Babel stori long BukBaibel.

Em i tok em kain wok i stap long Sir Michael Somare i mekim long traim bungim Teritori bilong Papua na Niugini wantaim.

Tasol em i tok Sir Michael i winim dispela traim na i bungim kantri.

“Sir Michael i kepten na em i gat kontrol o strong,” Sir Julius i tok.

“Trupela samting em kantri bilong mipela i wok long bruk bruk bipo long em i kam bung wantaim.

“Bikos long kain sindaun, ol tingting bilong kisim Indipendens i bin hat pastaim bipo long mipela i kisim Indipendens.”

Sir Julius i tok bihain long 1972 Jeneral Ileksen long go insait long namba tri Haus

ov Asembli Sir Michael i bungim ol lidaman i toktok strong long ol long kamapim yunaited Papua Niugini.

Long 1973 Papua na Niugini i kisim Self-Gavman na Sir Michael i kamap Sif Minista.

Papua Niugini i kisim Indipendens long 1975 we Sir Michael i kamap namba wan Praim Minista na Sir Julius i kamap Fainens Minista.

Sir Julius i tok em na Sir Michael i gutpela ol poroman tasol ol i save bruk long taim sampela tingting i no stret.

Olgeta lain manmeri i save olsem Sir Michael na mi i save gat narapela narapela tingting. Sampela taim mitupela i no save wanbel long sampela samting.

Ol bel hevi bilong mitupela em long taim mitupela i ting long rot we mitupela i laik bai kantri bilong mipela i mas kamap gutpela. Tasol antap long olgeta dispela ol tingting mitupela em ol gutpela poroman na gat famili



Sir Julius Chan, Gavana bilong Nu Ailan.

rilesen na rispek i stap namel long mitupela.

“Mi bin bruk long em long 7 Novemba, 1978 na dispela em i wanpela sori de mi ken tingim long poroman wok politik bilong mitupela,” Sir Julius i tok.

Long 1980 Sir Julius i

muvim. Vot-I-Nogad-Bilip long Sir Michael, rausim em na i kamap praim minister.

Tasol Sir Julius i tok antap long olgeta dispela wok politik “Mitupela em ol gutpela poroman na gat famili rilesen na gat rispek namel long mitupela yet.”

Parkop tokim PNG long bihainim tingting bilong Sir Michael

GAVANA bilong Nesanel Kapital Distrik na lida bilong Sosal Demokratik pati Powes Parkop i tok kantri bai stap yunaitet yet bihain long Sir Michael Somare i pinis wok politik.

Em tok dispela tingting bilong Gren Sif long bungim kantri wantaim bai stap.

Em i mekim dispela tok long bung Palamen i holim long tok gutbai long Sir Michael long pinis wok bilong em long politik long las wik.

“Long mi na pati bilong mi, SDP, mipela i lukim yu long yu save gat bilip long ol man na tingting ol i gat long em,” Parkop i tok.

“Yu gat spirit bilong yuniti na olsem maski ol i tok dispela kantri i gat planti traib wantaim planti tok ples, yu bungim ol wantaim.”

“Maski ol i pait yet (1975), yu inap long bungim ol.

“Long planti traib, kalsa na tok ples, yu kamapim wanpela kantri, wanpela yunaitet nesenen.”

Parkop i tok long dispela

em i strongim tingting bilong Sir Michael olsem maski em i pinis wok politik kantri bai stap wanpela yet.

Em i tok kain spirit i kamap ples kliia long ol taim we hevi i save kamap na planti ol arapela kantri i tok PNG bai bruk tasol dispela i no kamap.

Em i tok taim Sir Michael i stap ausait long Palamen, ol bai go het yet long kamapim infrastraksa, ikonomi, long kwaliti bilong laip na kamapim gutpela standet bilong stap.

“Maski mipela i gat planti pati, mipela bai stap strong yet.

“Yu bungim mipela wantaim na mipela bai skruim yet dispela wok yu statim.”

Parkop i tok long taim Sir Michael i pinis ol Memba husat i go bek long namba 10 Palamen, ol bai tingim em na wok em i statim.

“Tenk yu long bilip yu gat long mipela.

“Em i hat long painim ol nem we i ken tokaut long husat em Sir Michael.”

Parkop i tokaut tu olsem i no gat wanpela tenk yu inap long givim luksave long wok na sevis Sir Michael i givim long kantri.

Em i tok rekot Sir Michael i kamapim, i no gat wanpela man o meri inap long bihainim.

Em i tok Sir Michael i wok politik inap long 49 krismas no gat narapela man inap long kamapim kain rekot.

Em i amamas na tok tenk yu tu long Ledi Veronica long sapot bilong em.

“Mipela tok tenk yu long Ledi Veronica long sapot yu i givim long Sir Michael. Yu em hap bilong dispela wok-about Sir Michael i mekim long wok bilong em,” Parkop i tok long taim em i amamas long sapot bilong Ledi Somare.

“Yu sapotim dispela dri-man, visen Sir Michael i gat long em.”

Em i strongim tingting bilong Sir Michael olsem wok Sir Michael Somare i statim, ol lida bilong dispela taim bai skruim.

Duma tok Sir Michael i save kamapim lida

Paul Zuvani i raitim

GREN Sif Sir Michael Somare i wanpela man bilong kamapim lida, bipo Minista bilong Pablik Entaprais na Memba bilong Hagen William Duma i tok.

Em i tok em yet i no save gut long wok tasol taim em i wok aninit long Sir Michael em i lainim planti samting long ‘Papa bilong Kantri.’”



William Duma, bipo Minista bilong Pablik Entaprais na Memba bilong Hagen.

“Mi wanpela inekspiriens minista tasol yu soim na strongim mi long mekim wok,” Duma i tok taim em i tingim Petroleum ministri em i bin holim long taim bilong Somare gavman.

“Long kamap Minista aninit long gavman bilong yu, mipela i no save long rot LNG projek i save wok, yu soim rot bilong wok na dispela i lukim projek i kamap.”

Duma i tok Sir Michael i save givim taim long olgeta man, maski wanpela i bikpela o liklik man.

“Dispela em pasin mipela olgeta i mas lainim long yu.”

Em i tok i gat sampela ol memba husat i save painim pawa na kalap

i go kam long ol pati tasol long Sir Michael em i no save painim pawa.

Em i tok Sir Michael i save sanap strong long wanem tingting em bilip long em.

“I no gat wanpela man inap bihainim lek mak bilong yu na kamap praim minista bilong tupela pati, pastaim long wanpela na bihain taim long narapela,” Duma i tok.

“I no gat tupela Michael Somare, i gat wanpela tasol na yu soim rot na kamapim olgeta samting.

“Yu strongim tripela han bilong gavman em lijisleta,

eksektiv na judisari.

Tenk yu long wok na sevis yu givim long Papua Niugini.

Duma i tok long dispela taim i sans bilong ol yangpela i kisim toktok na lain long em.

Na long em yet em i tok em i wanpela sans long laip taim long em bungim Gren Sif na wok wantaim em.

Duma i tok Sir Michael i kamapim rekot taim em i kamapim Pangu pati na i kamap lida bilong em na i kamap praim minista.

Tasol em i lusim pati na i kamapim nupela pati bilong em, Nesanel Alaiens, we em i kamap praim minista gen.

“Gren Sif Sir Michael long yu gat kain strong long moa long 40 yia i go pinis long go egens long ol koloniel masta bilong mipela na kisim Indipendens, dispela em bikpela samting,” Duma i tok.

“Mining bilong tok kantri olsem kantri Spain, Frans, Jemani, Itali na Ingran em ol i kamap wanpela bikos ol i gat wanpela tok ples na wanpela kalsa.”

Tasol long Papua Niugini, mipela i gat planti tausent traib, kalsa na tok ples.

Tasol maski long dispela Sir Michael i bin inap long go pas long bungim kantri na i kamap founding papa bilong kantri.

Em i tok tenk yu long Sir Michael long lidasip bilong em, long Ledi Veronica na famili long sapot ol i givim long Sir Michael.

Em i wisim long gutpela malolo na stap bilong em.

Sir Michael Somare tokim ol jenelis long mekim stret wok

OL lain jenelis bilong PNG i mas sanap strong na mekim stret wok bilong ol.

Gren Sif Sir Michael Somare i bin mekim dispela toktok long taim em i kamap long NBC Nesanel Pres Klap long Mande na toktok long ol jenelis.

Sir Michael i ritaia nau long wok politik bihain long 49 yia na long luksave long wok bilong em, NBC Pres Klap wantaim PNG Media Kaunsil i bin askim em long kam tokok long dispela bung.

Sir Michael i tok tude i gat ol kain kain rot we ol ripota i

ken kisim ol nius na bringim i go long pablik, tasol em i tokim ol jenelis long mekim stretpela wok oltaim.

Sir Michael i bin tok amamas tu long NBC i kirapim gen dispela Pres Klap na mekim dispel klap i kisim bikpela luksave long ai bilong pablik.

Sir Michael i namba tri impoten spika long kamap toktok long dispela Pres Klap.

Praim Minista Peter O’Neil i bin namba wan spika long taim Klap i bin op long dispela yia na Oposisen lida. Don Polye i bin namba tu spika.

Lokep Lutheran Sios i Gat Nupela Haus Lotu

Paulus Tali i raitim

OL Kristen pipel bilong Mulau Lutheran Sios insait long Molmol paris, Evanjelikal Lutheran Sios bilong PNG (ELCPNG) Siassi distrik, i opim nupela haus lotu bilong ol long 27 Mas, 2017, we ol yet i bungim mani long kirapim wok.

Bihain long 12-pela hatpela yia bilong hat wok na pen long kirapim dispela haus lotu ol Kristen i amamas long lukim dispela haus lotu i kirap.

Taim bilong lotu long ausait nating i pinis na dispela i bringim bikpela amamas long olgeta pipel.

Pasto Timothy Luke i autim Tok bilong God long

dispela taim.

"Driman bilong yupela i karim kaikai wankain olsem Jekop i bin slip na lukim driman. Nau yupela i ken amamas na lotu long strongim bilip bilong yupela.

Kaikai bilong hat wok yupela i wok long mekim i kam, em i karim kaikai pinis," Pasto Timothy i tok.

Wok bilong sanapim dispela haus lotu i bin stat long yia 2015 we olgeta bilip manmeri i bin putim han wantaim long kirapim dispela bikpela wok.

Sios i laik tok tenkyu long ol bisnis lain na ol Kristen husat i givim mani bilong mekim dispela bikpela wok.

Mista John Joshua, long-taim menesa bilong Lutheran

Siping, i givim K20,000.00 long konstraksen wok i stat na kirap. Ol Kristen yet i mekim planti wok long painim mani bilong sanapim dispela haus lotu. Wan wan Kristen memba i bin putim K100.00 bilong haus lotu. Gavana bilong Morobe, Kasiga Kelly Naru, i bin givim K20,000.00, na Mista Wan Jin Wah i bin givim K13,000.00.

Mista Jacob Sawanga, pastaim Lae siti menesa husat i bin stap long opim haus lotu, i tok ol Kristen i gat bikpela wok bilong sanapim na sapotim wok bilong sios, na long lukautim pasto long em i sanap strong na lukautim ol long Tok bilong God.



Ol pikinini meri long Mulai Kongrigesen Lokep Ailan Siassi i amamas long opim nupela Sios. Nau ol i ken selebretim wanpela Ista pestode bilong ol insait long gutpela haus lotu.

Poto: Paulus Tali – Lae

Wok lotu inap helpim ol yut long lusim bikhet pasin

Joyce Huanjo i raitim

STRONGIM wok bilong lotu namel long ol yanpela manmeri or yut insait long kantri inap helpim ol long lusim bikhet pasin.

National Yut Direkta bilong Yut Divisen bilong Evanjelikal Luteran Sios bilong Papua Nuigini, Robert Martin i bin mekim dispela tok long taim em i toktok wantaim ol niusman.

Em i tok ol bikpela bung olsem Enuak Nesenal Lutheran sumatin Ista Baibel kem i gutpela moa long strongim bilip bilong ol pikinini long

taim ol i liklik yet.

Mista Martin i tok long dispela kain rot ol pikinini inap luksave long wanem samting em i laip.

ELCPNG Yut Direkta Martin i tok Lutheran sumatin i stap insait long baibel kem i mas harim gut tok bilong God long taim ol Pasto i givim ol baibel stadi long ol.

Long wankain taim Mista Martin i tok ol kain bung olsem inap helpim ol sumatin long ol bikpla skul olsem univesiti na ol koles long toktok long ol bikpla hevi we ol yut i save bungim insait long laif.

Mista Martitn i mekim dispela tok long wanem Ista kem hia inap pulim 5 tausen Lutheran sumatin insait long kantri.

Em i tok moa yet olsem bikpela hevi bilong drak, hombru, raskol pasin na ol arapela bikhet pasin i save kamap long wanem ol yut i pilim olsem ol i no gat hop long laip.

Mista Martin i tok olsem wanpela yut lida insait long sios na kantri em i gat bikpela wari tru long wanem planti hevi nau i save kamap insait long kantri em ol yut i save kamapim.

Siassi Haiskul pait long kamap Teknikal haiskul

Joyce Huanjo i raitim

SIASSI haiskul insait long Morobe Provins i pait strong long kamap wanpela Teknikol haiskul.

Bod Siaman bilong Siassi Haiskul Roland Martin i tok tingting bilong senisim level bilong skul i kamap strong long wanem Siassi em i wanpela ailan i stap em yet longwe long Lae siti, na tu em i wanpela haiskul tasol insait long Ailan.

Mista Martin i tok ol papa mama i sapotim dispela tingting, long wanem planti ol pikinini blong ol i save bungim birua taim ol i kam long ol sekendari skul long Lae.

Ol i kamapim pinis wanpela Komiti bilong stretim ol pepa wok namel long Provinsal Edukesen Bod

na Nesenal Edukesesen Dipatmen.

Siassi Lutheran Haiskul i save salim ol sumatin bilong en i go long ol arapela susa sekendari skul bilong en olsem Dregahafen long Finchaffan, Bumayoung, Wasu na Wawin Nesenal Haiskul.

Tasol planti taim ol sumatin bilong Siassi i save bungim hevi long ol poroman bilong ol i save mekim nogut long ol taim ol i kam skul long Lae.

Em i tok tu olsem Siassi Haiskul i bin stap bipo yet long 1920 we ol i save kolim olsem Gelen Trening Senta.

Bihain ol i bin skruim skul i kam long Lablab stesen long 1970 na em i stap olsem wanpela Praimeri skul na bihain kamap haiskul.

Long taim em i stap olsem

Gelen Trening Senta skul i kamapim ol kain saveman olsem bipo het bisop bilong Lutheran Sios, Dokta Wesley Kigasung na Nesenal Kot Jas, Don Sawong i bin skul long en.

Mista Martin i tokaut olsem pait long lukim senisim long level blong skul i stap long taim yet tasol nau tasol em dispela driman bilong em i karim kaikai.

Mista Martin i tok Gavana bilong Morobe Provins Kelly Naru i bin tok promis long givim K5 millen kina long mekim tupela domitori na tupela ablusen blok.

Mista Naru i mekim dispela tok promis long taim em i lonsim 'Krais Long Futbol Program' long 4-pela praimer skul na Siassi Haiskul yet long yia i go pinis.

Malala sumatin sainim disaplin agrimen fom

James Kila i raitim

OLGETA gret 10, 11 na 12 sumatin bilong Malala Katolik Sekenderi skul long Bogia distrik long Madang provins bai sainim wanpela disaplin agrimen fom pastaim long seken tem bilong 2017 skul yia i stat long neks wik.

Malala Skul bod ov gavanoas kaunsil i tokaut long dispela long banisim ol hevi long sait long disaplin o pasin bilong ol sumatin long skul we i wok long go outsait long lo na regulesen bilong skul.

Wanpela ripot Wantok Niuspepa i kisim i kam long Madang Provinsal Edukesen bod i tok olsem Malala Katolik Sekenderi skul i redim wanpela kain agrimen o disaplin agrimen fom we ol sumatin wantaim papa-

mama bilong ol bai sainim pastaim long ol sumatin i go long skul.

Ripot i tok olsem ol gret 10 sumatin bai sanim pepa na statim skul long Epril 17 na ol gret 11 na 12 bai sainim namel long wik na statim skul long Epril 24.

Dispela disisen bilong Malala skul gavaning kaunsil i bin kamap bihain long wanpela man gret 10 sumatin i bin dring bia na skul edministresin i bin saspensim em, na ol poroman bilong em i kirap pretim ol gret 11 na 12 sumatin.

Dispela hevi bilong ol gret 10 man sumatin pretim ol gret 11 na 12 man sumatin i mekim na Malala Katolik sekenderi skul i pasim fes tem bilong en pastaim long taim stret long las mun.



Spirit bilong Ista em i kamap pinis long Goroka, Isten Hailans we i lukim ol yangpela (yuts) bilong SDA sios husat i bin kamap long bikpela Goroka haus sik, singim ol song, givim ol kaikai samting na serim (share) tok bilong baibel i go long ol sik man, meri na pikinini na ol woklain bilong haus sik tu.

Somare putim PNG i go pas oltaim

LONG 49 yia bilong em long wok politikis, Gren Sif Sir Michael Somare i tok em i save putim PNG i go pas oltaim long olgeta samting.

Em i tok dispela i mekim na tude ilektoret bilong em long Is Sepik i no gat gutpela haus sik, na i no gat inap skul na ol arapela samting.

Sir Michael i tok Boram Jeneral Hospital em gavman bilong Australia i bin sanapim long 1962 i bagarap nau na em i laik senisim tasol i no gat gutpela bekim long ol askim bilong em.

Sir Michael i bin mekim dispela toktok long taim em i kamap long NBC Nesanel Pres Klap long Mande na toktok long ol niusman na meri long laip bilong em long politikis.

Em i bin stori long laip bilong em taim mama i karim em long Rabaul, na long taim em i stat skul na pinisim skul na ol wok em i bin mekim bipo long em i go insait long politikis.

Sir Michael i tok, em i bin go insait long politikis bikos gutpela poroman bilong em Sir Peter Lus husat i bin memba bilong

Maprik long Haus ov Asembli long 1964 yet, i grisim em. Sir Peter i wanpela man bilong toktok strong long ol samting tasol em i no save long tok Inglis olsem na em i laik Sir Michael tu i kamap memba na bai helpim em long tok stret long ol Australia long tok Inglis.

Sir Peter Lus i bin kempen long Somare long 1968 na em i winim sia bilong Is Sepik rijonal na statim wok bilong politikis inap 49 yia olgeta. Long taim em i go insait long politikis ol i strongim wok bilong PNG i bruk lusim Australia na kamap



NCD tok gutbai long Gren Sif Sir Michael Somare.
Foto: Nicky Bernard



ANZ CONGRATULATES THE FOUNDING FATHER OF
PAPUA NEW GUINEA

**GRAND CHIEF RT. HON
SIR MICHAEL THOMAS
SOMARE**

GCL GCMG KST.J GCEG CH MP.

With over 107 years history in Papua New Guinea, we have witnessed the Grand Chief Sir Michael Somare's legacy to the country, both before and after Independence. We congratulate him on his outstanding achievements, and wish him a happy retirement.

wanpela independen kantri.

Long 1973, taim PNG i kisim self gavman, Sir Michael i bin namba wan sif minista bilong kantri. Na long independens long 1975, em i kamap namba wan praim minista.

Sir Michael i ritiaia nau long wok politikis bihain long 49 yia. Em i wanpela lida tasol bilong ol Komonwelt kantri husat i bin holim wok bilong Praim Minista inap planti yia tru.

Singaut go long opisa long salim skul ripot hariap

SINGAUT nau i go long edukesen edvaisa bilong wan wan ol provins long salim hariap skul ripot bilong ol long Edukesn Dipatmen.

Dipatmen i mekim dispela tok bihain long sampela tisa i no kisim pe bilong ol bikos ol edvaisa i no gat ripot long salim.

Dipatmen i mekim dispela singaut tu long taim ol sinia opisa bilong Edukesen i bung long wanpela bung bilong ol long Mosbi las wik.

Em i tok olgeta yia kain hevi i save kamap bikos ol tisa o edvaisa bilong ol i no save salim ripot biong ol.

Bihain taim ol tisa i no kisim pe ol i save kros olsem ol Dipatmen i no baim ol.

Tok i go long ol opisa olsem ripot bilong wan wan provins long Dipatmen i kisim long Mas long i no gat nem bilong ol tisa husat i nau wok long tis.

Ol opisa i kisim toksave tu olsem nupela wok bilong Perol divisen bilong Dipatmen i yusim nupela sistem long mekim wok hariap.

Dispela wok i stat long stat bilong dispela yia na i kisim tasol 44,077 tisa long 56,000 tisa husat nem bilong ol i mas stap.

Dispela wok ol i mekim namel long faivpela wik tasol na olsem Dipatmen i tok dispela em i wanpela gutpela sistem bilong baim ol tisa hariap.

Tasol long lukim dispela sistem i wok tok lukaut i go long ol provins olsem Dipatmen bai saspenim pe bilong ol tisa stat long 31 Mas dispela yia we ol bai kisim pe gen long 12 Epril, em long tumora gen.

Long go het long dispela tingting, ol provinsel edvaisa i askim ol tisa long givim nem bilong tisa bilong ol long dispela yia wantaim nem bilong ol nupela tisa.

Dipatmen i tok olgeta tisa husat i wok i mas kisim pe bilong ol.

CHESHIRE na Sista ov Chariti kisim Ista donesen

TUPELA wok marimari oge-naisesen insait long kantri, Chesire Disabiliti Sevis PNG na Sista ov Chariti ov St. Anne, i kisim bikpela donesen i kam long Indian Asosiesen long PNG wantaim helpim bilong Goodman Fielder Skel Rais long las wik Trinde.

Indian Asosiesen PNG i givim wanpela tan Skel Rais i go long dispela tupela oge-naisesen we ol i kisim wan wan tan rais na K10,000 sek man tu i go long Sista ov Chariti.

Cheshire Disabiliti Sevis PNG wanpela NGO na Marimari oge-naisesen long kantri em i save helpim ol pipel husat i gat disabiliti o i no inap long yusim sampela hap bilong bodi gut, ol i helpim ol long kisim gutpela helt na ri-habilitesen, edukesen, laip long komyuniti, na sosel di-velopmen bilong ol PWD.

Worthington-Eyre: Trukai plen long mekim bisnis bikpela



Trukai Indastris opisa i sanap long wanpela rais plantasin bilong kampani long Rangiapump, ausait long Lae, Morobe provins.

BIKNEM rais kampani, Trukai Indastris i plen long mekim bikpela wok bilong em long kantri, sif eksekutiv opisa Greg Worthington-Eyre i tok.

Em i mekim dispela tok long taim Papua Niugini Gavman i no mekim wanpela samting bihain long em i tokaut long kamapim rais polisi.

Long Epril 2016, i gat ripot long Gavman i sainim wanpela tok orait long divelopim K7 milien (US\$2.2 bilien) rais bisnis long Sentral Provins, olsem wanpela polisi bilong Papua Niugini i lukluk long em i mas gat rais bilong em long 2030.

Plantasi rais Papua Niugini nau i wok long kisim i kam long narapela kantri.

Trukai Indastris i no moa harim ol toktok long gavman

Ol Sista ov Charity i save givim Edukesen, Heltkea na Ministri long ol PNG komyuniti winim 5-pela 10 yia pinis.

Bikpela tingting bilong Indian Asosiesen ov PNG (IAPNG) em long kamapim na holim strong pasin Poroman namel long PNG na Indian komyuniti wantaim ol mani na donesen bilong ol wok marimari long kantri. Dispela kain gutpela wok ol i mekim pinis moa long 30 krismas na mani donesen ol i givim i winim pinis K1 milien insait long las 5-pela yia.

Presiden bilong IAPNG Chetan Chopra i tok tenkyu long Goodman Fielder long taim bilong givim donesen las wik.

“Mi laik tok tenkyu long Goodman Fielder long gutpela kontribusen wantaim wan tan Skel Rais long mipela i ken givim long ol wok marimari long laik bi-

long mipela. Mipela i hap bilong PNG komyuniti olsem na mipela i laikim donesen bilong mipela i mas go long ol wok marimari oge-naisesen olsem Cheshire na Sista ov Chariti. Mipela i laikim tu long donesen bilong mipela i mas gat bikpela valiu na kwaliti olsem na mipela i makim Skel Rais long dispela donesen.” Mista Chetan Chopra i tok.

Skel Rice em i nupela rais bilong kampani bilong biknem Flame Flour, Goodman Fielder, kampani we we ol i bin tokaut long en na stat salim long las yia. Skel Rais em i nupela rais tru insait long PNG maket tasol planti pipel i wok long laikim na baim long ol stoa.

Jeneral Menesa bilong Cheshire Disabiliti Sevis PNG Benard Ayieko i tok long taim bilong kisim donesen: “Dispela donesen em i kam long taim, em i wankain olsem tok piksa, ‘Samapim hol wanpela taim i save helpim long 9-pela taim’, bikos taim dispela oge-naisesen i stap mipela i bin wok long bungim bikpela hevi long sot long gutpela kaikai, olsem bilong givim strong, prut na ol kumu long ol

PWDs husat i save stap olgeta de long senta.

“Long dispela wik tasol mipela wok long raitim ol pas long ol patna bilong mipela long givim donesen bilong in-

apim dispela. Mipela i no go long ol kopret patna tasol, nogat, mipela i askim ol wan wan memba bilong komyuniti tu long helpim. Mipela long Cheshire i gat bikpela

tenkyu na amamas long Goodman Fielder na IAPNG long kam wantaim dispela bikpela donesen long taim mipela i gat bikpela nid tru,” Mista Ayieko i tok.



Poto: Ol tim bilong Goodman Fielder Skel Rice i givim taim wantaim ol residen bilong Cheshire Disabiliti Sevis senta long Hohola taim ol i go givim wan tan Skel Rais long las wik Trinde.
Poto: GFI maketing

Ribat singaut long pasim solwara maining

KARDINAL Sir John Ribat i singaut long Gavman na projek divelopa, Nautilus Minarel long ol i mas pasim maining projek daunbilo long solwara namel long Nu Ailan na Is Nu Britan.

Kardinal Ribat i tok bipo long dispela projek i kamap tru, ol manmeri long tupela provins i bungim hevi pinis long solwara bilong ol na i no amamas long wok i kamap. Nau yet Nautilus i mekim fisibiliti o wok stadi long rot em bai mekim wok long dispela projek.

Em i tok ol nambis manmeri i save stap long strong bilong laip long solwara.

Solwara i laip bilong ol. Tasol em i tok long dispela

taim ol manmeri i no moa painim pis long solwara bilong ol olsem ol bin save painim bipo.

“Mi singaut long atoriti na kampani long ol i mas pasim wok nau i laik kamap,” Kardinal Ribat i tok.

“Mipela i luksave olsem bikpela bagarap bai kamap taim maining i kamap long solwara na ol manmeri long lokal komyuniti bai i no inap stap gut.

“Solwara i laip bilong ol. Sapos i bagarap, laip bilong ol tu i bagarap.

“Mipela luksave long ol ol lokal komyuniti we i wok long kempen egensim kamap bilong maining long solwara.”

Kardinal Ribat i tok long

taim kantri i wok long traim long stretim ol hevi we i kamap long graun bihainim ol maining i kamap olsem long Ok Tedi, nau kantri i laik tok orait long maining i kamap long solwara.

“Larim solwara i stap. Maski long kamapim ol wok bai bagarapim laip.”

Em i singaut ol Pasifik Ailan kantri long agensim dispela kain wok.

Kardinal Ribat i mekim dispela tok bihain long em i go long wanpela woksop long Pasifik Tiolojikel Koles, Suva, Fiji long las wik we i soim kain wok i kamap solwara maining.

Inap long 52 manmeri long Gavman, NGO na sios i bin kamap long dispela woksop.

Total klostu bai mekim disisen long divelopim ges projek

TOTAL, kampani we i wok long mekim ol wok redi bilong divelopim Papua LNG (ges) projek long Galp provins i tok klostu em bai mekim disisen.

Kampani i tok bipo long em i mekim disisen em bai skelim ol teknikel wok na gutpela stap bilong en-vironmen long Papa Lealea plent sait ausait long Mosbi.

Philippe Blanchard, menesing dairekta bilong Total E&P PNG i tok dispela disisen kampani i ting long mekim long narapela 6-mun.

Disisen bilong ExxonMobil long kisim ples bilong InterOil na divelopim ges projek, i opim rot bilong moa dispela kain projek long kamap.

Blanchard i bilip bung wok namel long kampani bilong em na ExxonMobil bai gutpela.

“Mipela i no mekim wok

bilong mipela sapos mipela i no bin kamap wantaim dispela kain tingting,” em i tok.

“Prais bilong LNG (ges) i stap daunbilo na sapos yu laik lukim projek bilong yu i kamap strong na inap mekim win mani, yu mas painim olgeta rot long daunim kost bilong projek.

Em i tok dispela disisen bai mas kamap yet.

“Namel long narapela faiv o sikispela mun, mipela i mas tokaut sapos mipela yet bai divelopim Papua LNG o bung wantaim narapea kampani.

Narapela kampani we i soim laik long bungim na divelopim Papua LNG projek em Oil Search.

Oil Search menesing dairekta Peter Boten i tok ol i bung wantaim ExxonMobil long divelopim Hides Ges tasol sapos Total i redi, ol i

laik long wok wantaim ol tu.

“I gat sans long wok bung wantaim long divelopim ol wel na ges projek na serim ol faktori,” em i tok.

Em i tok dispela i givim sans long daunim kost bilong divelopim projek na long wankain taim i givim sans long kirapim projek long liklik taim tasol.

Gerea Aopi, presiden bilong PNG Semba ov Mains na Petroleum i tok sapos tupela kampani i bung wantaim, nogut Total i mekim apstrim wok na ExxonMobil mekim daunstrim wok.

Blanchard i tok apstrim sentral proses faktori long Papua LNG bai kamap long petroleum laisens 15 long Galp provins.

Tasol long daunstrim projek em i tok dispela bai kamap long Caution Bay, 20 kilomita ausait long Mosbi.

2017 NRL Dro bilong raun namba 7

Det	Hom	Awe	Pilai Graun	TV	Taim
Fraide, Epril 14			ANZ Stadium	Nine, Fox	4:00 pm
Fraide, Epril 14			McDonald Jones Stediam	Fox	6:00 pm
Fraide, Epril 14			Suncorp Stadium	Nine, Fox	7:50 pm
Sarere, Epril 15			Brookvale Oval	Fox	3:00 pm
Sarere, Epril 15			GIO Stadium	Fox	5:30 pm
Sarere, Epril 15			WIN Stadium	Fox	7:30 pm
Sande, Epril 16			Pepper Stadium	Nine, Fox	4:00 pm
Mande, Epril 17			AAMI Pak	Fox	4:00 pm

2017 NRL Lata | TELSTRA PREMIASIP

Posisen	Tim	P	W	L	D	B	F	A	+/-	Pts
1		6	5	1	0	0	163	82	81	10
2		6	5	1	0	0	104	59	45	10
3		6	4	2	0	0	120	84	36	8
4		6	4	2	0	0	114	110	4	8
5		6	4	2	0	0	117	124	-7	8
6		6	3	3	0	0	162	115	47	6
7		6	3	3	0	0	110	83	27	6
8		6	3	3	0	0	124	113	11	6
9		6	3	3	0	0	113	113	-17	6
10		6	3	3	0	0	110	130	-20	6
11		6	3	3	0	0	86	107	-21	6
12		6	2	4	0	0	124	107	17	4
13		6	2	4	0	0	102	126	-24	4
14		6	2	4	0	0	88	166	-78	4
15		6	1	5	0	0	134	182	-48	2
16		6	1	5	0	0	104	157	-53	2

Lomachenko i daunim Sosa

...Usyk i daunim Michael Hunter Jr



Vasyl Lomachenko long han kais i daunim Jason Sosa long han sut.

WOL sempion bilong Ukraine, Vaysl Lomachenko na Oleksandr Usyk i winim bek belt bilong tupela long Sarere nait long Maryland.

Lomachenko i winim bek belt bilong em bihain long birua bilong em, Jason Sosa, i no go bek long raun namba 10 bilong WBO supa-fetaweit taitel pait bilong tupela.

Usyk i pait gut long raun namba wan i go inap long raun namba 12 na kamap wina egensim Michael Hunters Jr long WBO krusaweit taitel pait.

Thurston i kisim bagarap

...Tigers i daunim ol North Queensland

DRIMAN bilong Jonathan Thurston long pilai laspela gem long Stet ov Orijin resis bai bagarap bihain long Thurston i kisim bagarap taim ol Cowboys i lus egensim ol Wests Tigers, 26-16, long las wiken resis long Townsville.

Olgeta manmeri i hat long kisim win taim hapbek bilong ol North Queensland i kisim bagarap long lek na ol i singautim ol trens long karim em i go aut long pilai graun.

Thurston i pilim bikpela pen na ol i sekim em long haussik na bai tokaut long wanem kain bagarap em i bin kisim.

Kosa bilong ol, Paul Green i les long toktok long Thurston i kisim bagarap.

“Mi no save tru long wanem samting i kamap. Mi bai no inap toktok long dispela,” Green i tok.

“Mipela i save stap daun-bilo tru long mak bilong ol tim i save kisim bagarap in-



Hapbek bilong ol North Queensland Cowboy, Jonathan Thurston, i kisim bagarap na ol poro pilai i karim em i go aut long pilai graun.

sait long tripela ya. Nau mipela bai winim mak bilong ol pilaia bilong wan wan tim i save kisim bagarap na em i taim no gut bilong mipela.”

Thurston i gat 33 krismas, i holim rekot bilong em i bin pilai planti gem bilong Orijin resis. Em i bin pilai 36 stret

gem bilong ol Maroons taim em i stat resis long 2005.

Thurston i plen long pilai laspela gem bilong em long Orijin resis long dispela ya bikos em i laik risain long pilai ragbi bihain long Ragbi Lig Wol Kap i lukluk long fainal NRL sisen wantaim ol

Cowboy long ya i kam.

Bagarap Thurston i kisim bai stopim em long malolo insait long wanpela mun. Dispela i lukim olsem em bai no inap pilai long traim resis egensim ol Nu SAILan long Canberra long Me 5.

Segeyaro i soim kala bilong em ...Sharks i daunim Melbourne Storms

NUPELA pilai bilong ol Cronulla Sharks, James Segeyaro, i soim stail na pawa insait long tupela minit na ol ol Sharks i daunim ol Melbourne Storms long las wik Sande apinun.

Resis i lukim olsem i no gat wanpela trai i bin kamap namel long tupela birua tim, tasol Segeyaro i sanap na helpim sait bilong em long, 11-2, win.

Long namba 72 minit skoa i sanap olsem ol Sharks i stap pas 3-2 na Segeyaro i kikim bal i go long trai lain bilong ol

Storm we lain drop i kamap long ol Storm.

Bihain long ol Storm i kik, fulbek bilong ol Storm, Billy Slater, i mekim wanpela asua na Segeyaro i putim las trai bilong ol Sharks.

“James Segeyaro i kam insait na soim tru kala bilong em long las minit,” Justin Hodges i tok.

Michael Ennis i tok moa olsem Shane Flanagan i yusim Segeyari gut tru.

“Segeyaro i mekim gut long ol wan wan wik. Nau em soim sampela stail kala bi-



James Segeyaro long rait han i putim trai bilong ol Sharks we ol i win.

long em gut tru. Sampela kik birua i sotwin na putim trai bilong em i kamap nam-bawan tru, em i mekim ol tok.

Jacobson i lusim NU basketball program bilong ol man



Michael Jacobson, bilong Nebraska i laik trikik birua pilai bilong em.

NEBRASKA basketball tim bilong ol man i tok aut long Mande apinun olsem sumatin, Michael Jacobson, bai lusim ol long pinis bilong spring semesta.

Em i namba foa pilaia long lusim Huskers inap long sisen i pinis. Ol 4-pela pilaia bai lusim program em Jacobson, Ed Morrow, Nick Fuller na Jeriah Horne.

Jacobson i lusim ol bikos em laik senisim stail bilong em long pilai.

Trump i amamas long US Soka i winim 2026 Wol Kap bid



Donald Trump i lukim ol pikinini i pilai soka long taim em i go raun long Intenesenel Sios bilong Las Vegas taim em i kendidet long kamap presiden aninit long Ripabliken pati.

PRESIDEN bilong US Soka Federesen, Sunil Gulati, presiden bilong Canada Soka Asosiesen, Victor Montagliana, na presiden bilong Meksiko Soka Federesen, Decio De Maria i tokaut long ol i winim bid long go pas long 2026 Wol Kap resis.

Presiden bilong US, Donald Trump, i amamas long ol i bung na winim dispela bid na em i sapotim ol long go pas long dispela resis.



Ol lokal yut wok mentenens long Ramu NiCo Madang Bes

GIVIM skills wok na trening long ol yangpela man em bikpela samting long sait long developmen na tu helpim ol yut long kisim liklik mani long saptim sindaun bilong ol wantaim famili na komyuniti ol i stap long en.

Taim Ramu NiCo Projek i bin kirapim wok long Madang provins stat long konstraksen taim long 2006 na 2007 i kam, planti lokal lain tru long Madang provins i bin gat sans long wok na lainim planti nupela samting. Planti i wok klostu wantaim ol lain wokman bilong China husat i bin kam olsem kontrakta long wokim kamapim ol bikpela infrastraksa long Kurumbukari Main, 135 kilomita Paiplain, Basamuk Rifaineri na Madang Bes.

Olgeta konstraksen kontrakta i go bek pinis, na nau em lokal papagraun kampani Raibus Enjiniaring Limited (REL) i kisim ol wok meintenens wok long Ramu NiCo (MCC).

REL em wanpela han o sabidiari kampani bilong Raibus Limited, wanpela papagraun kampani insait long Ramu NiCo Projek. Dispela nem i karamapim tupela projek eria o distrik long Madang provins em long Raikos na Usino-Bundi distrik we bikpela wok opere sen bilong Ramu NiCo (MCC) i stap long en.

Long stat bilong dispela yia i kam, REL i bin kisim

sampela yangpela man long Madang taun na Yabob viles klostu long Madang taun long helpim long wokim ol meintenens wok long Ramu NiCo Operesin Bes long Seksen 95 Alotmen 80.

REL Meintenens supavaisa Paul Tropu, Jimmy Yaringu na ol olupela resa lain bilong wok bilong REL olsem tupela wali yet Jacob Uyam, Dimas Kiwar i givim stia long ol kesual bois long mekim stret wok.

Tru tumas, ol dispela yangpela bois i helpim gut stret REL long stretim na givim naispela kala bihain long wok meintenens i bin kamap. Ol bois i sigirapim na rausim ol olupela peint, rausim ol ros ain, rausim das, wasim wol na bihainim peintim na putim nupela kala long wol bilong ol bilding insait long Madang Bes Seksen 95, Alotmen 80.

Tropu i tokaut olsem planti bilong ol dispela yuts i gat teknikal skills long wok bikos ol i lainim pinis long skul pastaim. Olsem na taim ol supavaisa bilong REL i givim toktok tasol, ol bagaros i go het na mekim wok we i go wantaim tingting na laik na stail stret.

Jimmy Yaringu i tok REL i givim ol dispela kesual wok lain ol PPE (pesinol protektiv ikwipmen) long ol i ken mekim ol wok bilong ol bihainim sefti lo bilong wok long meintenens. Trutumas, taim olgeta i werim ol PPE

na yunifom bilong REL ol kamap olsem ol trupela wokman stret na kala na stail bilong ol tu i go nais moa yet.

Ramu NiCo Menesmen (MCC) Koporet Ofis, Deputi Jeneral Menesa, Charlie Hu i tok olsem dispela bikpela rinovesin o meintenens wok long 'Glass Haus' bilong Ramu NiCo long Seksen 95 i kamap bihain long samting olsem 10-pela yia bihain long wok konstraksen i bin kamap.

Mista Hu i tok dispela wok ol lain bilong REL i wokim bai bringim kamap naispela na nupela kala na gutpela piksa gen long 'Glass Haus' em ol outsait lain husat i raun i go long hap bai lukim. Moa long en tu ol wokman bilong Ramu NiCo (MCC) bilong China na PNG bai amamas olsem ol i wok insait long gutpela stail bilding we i narakain na stail tru insait long Madang taun na Momase rijon.

Bikpela samting tu dispela meintenens wok ol lain yuts i helpim ol REL i givim ol sans long lainim sampela nupela tred skills long wok, na moa long en tu em i givim ol liklik mani long saptim ol yet wantaim famili bilong ol.

Dispela wok bung namel long Ramu NiCo (MCC) na REL i strongim na promotim het-tok o pos bilong "Wanpela Ramu NiCo, Wanpela Komyuniti"




Foapela wokman bilong REL i putim nupela kala peint long simen bilong Madang Bes hotel eria.



Ol wokman bilong REL i yusim ol skafolding long wok antap na klinim na penim ol ruf bilong hotel eria.



Ol wok lain i redim ol skafolding long wokim wok long Madang Bes.



SA PNG kamapim edukesen risos senta long Madang



Ol wok lain i redim ples long Tupira Sef Klab long Ulingan Be long Bogia distrik, Madang provins. Poto: James G. Kila

James G. Kila i raitim

SAPNG Asosiesen bilong Papua Niugini i kamapim pinis namba wan edukesen risos senta bilong en long Meiwok viles klostu long biknem sefing eria long Tupira, long Ulingan Be long Madang provins.

Dispela SAPNG Edukesen Risos Senta em ol i kamapim long luksave na onarim petron bilong Tupira Sef Klab, Jastis Nicholas Kiriwom.

Ofisal opening bilong dispela nupela edukesen risos senta i bin kamap long las mun tasol long taim bilong 2017 PNG Kumul Wol Longbod Sempionsip long Ulingan Be, Bogia distrik long Madang provins.

Man i kirapim SAPNG na nau presiden, Andrew Abel i tok aut olsem dispela nupela edukesen risos senta em i kamap bihainim wanpela gutpela polisi em SAPNG i kamapim em "No Skul, No Sefing" polisi. Bikpela as tingting bilong

dispela skul em long promotim edukesen long ol liklik pikinini taim ol i kisim sefing.

Ol 'Buk Bilong Pikinini' i givim ol buk bilong ritim long strongim pasin na kalsa bilong ritim buk na kisim gutpela save.

Abel i tokaut olsem kamap bilong dispela nupela edukesen risos senta em histori long SAPNG bikos em i makim 30 yia bilong kamap bilong asosiesin long kantri.

Em i tok tu olsem ol bai go het long skruim wok bilong komyuniti sevis na givim moa luksave long ol model we i kirap long ples na polisi bilong strongim komyuniti risoses long ol lokal komyuniti long kantri.

"Mipela tok tenkyu long ol wokman meri bilong Buk bilong Pikinini long gutpela sapot ol i givim i kam long SAPNG," Abel i tok.

Em i tokaut tu olsem ol i lukluk nau long bringim wankain program long kirapim ol wankain risos senta long arapela hap bilong kantri.

OI PNG etlit i stap long nambawan fom

OL PNG etlit i stap long gutpela fom taim auto sesen kamap long USA.

Peniel Richard na Rellie Kaputin i setim gutpela rekot long long jam long Texas, USA, long las wiken. Peniel i winim 7.57 mita na winim nesanel rekot, 7.21 mita, na Rellie i winim 6.41 mita na winim nesanel rekot 6.27 mita.

Ol i no strongim dispela rekot olsem nesanel rekot bikos win i sapotim tupela liklik taim tupela i jam.

Ol narapela etlit i bin mekim gut long ol wan wan resis bilong ol em Adrine Monagi, Poro Gahekave, Missouri Afure na Wesley Igorave.



Olimpik velyu i go long Mendi



Not Mendi Praimeri Skul Staf sumatin, staf na PNGOC OVEP tim i sanap wantaim bihain long program i pinis.

PAPUA Niugini Olimpik Komiti i bin ranim Olimpik Velyu Edukesen Program (OVEP) long Mas 30 inap 31 long Mendi, Sauten Hailans Provins.

Olimpik velyu program i kamap long Kumin na North Mendi Praimeri Skul we ol gret 7 na 8 sumatin i gat sans long stap insait long dispela program.

HERO program etlit bilong Tim PNG na basketbal pilai

bilong 2015 Pasifik Gems, Dia Muri, Betty Angula na Karate etlit, Andrew Molen, i go pas long OVEP sesen.

Ol i gat wanpela sans tu long ranim wanpela sesen wantaim ol sumatin long Mendi Skul ov Nesing. Long wanpela sesen, ol i bin lainim ol skil bilong basketbal long Epril 1 we basketbal pilaia bilong Tim PNG, Muri na Angula, i go pas long dispela.

Tupela basketbal pilaia, Dia Muri long han kais na Betty Angula long han sut, i soim sampela basketbal teknik long OVEP presentesen long Kumin Praimeri Skul long Mendi.



PNGOC i amamas long IDSDP

PAPUA Niugini Olimpik Komiti (PNGOC) i amamas na stap wantaim long Intenesenel De bilong Spot bilong Developmen na Pis (IDSIP).

PNGOC i toktok long ol gutpela samting long taim ol pipel i pilai spot na stap strong aninit long astingting

2017 IDSDP "Time to Get Moving."

Dispela sesen i kamap long Vetu na Puslan taim ol sumatin i harim gut ol tok tok ol i mekim.

I gat sampela spot i kamap na ol i lainim sampela skil long kriket, ragbi lig na karate.



OI sumatin lainim skil bilong ragbi lig.



OI sumatin i amamas na sanap wantaim long kisim poto.

Puara bai pilai long dispela wiken

Wartovo Puara Jr,



SP HUNTERS pilaia, Wartovo Puara Jr, bai pilai long dispela wiken resis egensim ol Redcliffe Dolphins long Nesenel Futbol Stediam.

Puara i orait bihain long em i bin kisim bagarap long solda bilong em long opisisen resis na em bai statim pilai bilong em long asples bilong em long Sande.

Kosa bilong ol Hunters, Michael Marum, i tok olsem ol dokta i tok klia

long Puara i pilim orait nau na em i stap long gutpela fom long pilai.

Puara i bin kisim bagarap taim ol Hunters i lus, 38-14, egensim ol Sunshine Coast Falcons.

Adex Wera na David Loko i joinim ol skwat wantaim Wellington Albert bihain long Albert i no bin pilai long tupela gem.

Ol Hunters nau i stap long namba 7 ples long lata.

- 1 Bland ABAVU
- 2 Stargroth AMEAN
- 3 Israel ELIAB
- 4 Adex WERA
- 5 Karo KAUNA
- 6 Ase BOAS (Kepten)
- 7 Watson BOAS
- 8 Henry WAN
- 9 Wartovo PUARA Jnr
- 10 Esau SIUNE
- 11 Nixon PUT
- 12 David LOKO
- 13 Wellington ALBERT
- 14 Willie MINOGA
- 15 Rhadley BRAWA
- 16 Stanton ALBERT
- 17 Moses MENINGA
- 18 Enock MAKI
- 19 Lawrence Tu'u
- 20 Paul WAWA.

Basketbal resis bai kamap long Gut Fraide

BASKETBAL Federesen bilong Papua Niugini (BFPNG) bai tokaut long namba wan Ista Basketbal salens bai kamap long Gut Fraide long Taurama Akwatik Indo Senta (TAIC).

Ista salens em i bikipela tonamen we Nesenel Federesen bai go pas na bikipela namba bilong ol tim bai resis

PMSA bai kamapim seven asait long Ista wiken

Nicky Bernard i raitim

POT Mosbi Soka Asosiesen bai kamapim seven asait long dispela longpela Ista wiken long Bisini Soka graun.

Planti tim i putim nem pinis long stap insait long dispela resis, we sampela Klap i putim klostu long 4-pela tim long makim klap bilong ol long resis

PMSA i no stap yet propa sisen bilong ol bihain long ol mekim fainal bilong pri sisen long tupelo wiken go pinis.

Dispela seven asait bai mekim ol tim long redi long propa sisen bihain long Isata na ol bai save long wanem tim bai resis long propa sisen.

Long pri sisen planti tim i bin putim nem na pilai long

soim olsem soka i no dai long Mosbi taim ol bikipela gem kamap na stopim ol klostu long tupela yia olgeta.

Seven asait bai ron long 4-pela de olgeta inap long Mande we bai ol i holim ol fainal pilai tasol long lukim husat bai kamap King na Kwin bilong seven asait long Mosbi.

Pot Mosbi Soka Asosiesen bai statim propa sisen bilong ol bihain long Ista seven asait na husat tim i redi long putim nem bilong klap bilong ol i ken lukim ol menisemen bilong PMSA long Bisini soka graun long taim bilong seven asait pilai.

Seven asait pilai em bai seven pela man o meri bai pilai long ful pilai graun. I no olsem bipo ol save brukim hap pilai graun na pilai. Dispela em nogat ol seven pela man o meri bai ron long olgeta pilai graun na skoa long bikipela gol mak.

Dispela seven asait bai wanpela nupela kain stail PMSA i mekim long soim husat tim i gat longpela win na soim strong bilong ol long stap insait long pilai graun inap pilai pinis.

POM Snuka open bai stat tude

POT Mosbi Snuka Open bai stat tude na resis bai go het long Ista wiken na ol fainal bai kamap long Mande.

Presiden bilong Pot Mosbi Billiards na Snuka Asosiesen, John Chan, i tok olsem raun robin pilai bai kamapim aninit long tripela grup.

Em i tok moa olsem top 16 bai kamap long Sande taim ol bai tokaut long snuka resis.

Ol semi fainal bai kamap long Lamana Q Klap long Mande moning na fainal bai kamap bihain long wankain de.

long 4-pela divisen.

CEO bilong BFPNG, Joel Khalu, i tok olsem divisen bilong senia man na meri na junia pilaia bai i gat sans tu long pilai.

Khalu i tok olsem 3x3 stail bilong basketbal resis bai kamap gut long olgeta hap bilong kantri.

Ol tim husat laik pilai i pulimapim rejisresen fom na givim bek long BFPNG opis long TAIC wantaim K50 nominesen fi.

Ol bai mekim dro bilong tonamen tude na namba wan gem bai stat long tumora Fraide 10 klok moning taim.



RD Tuna Cannery Ltd.

Better. Life. Ahead.

Tribute to Grand Chief Sir Michael Somare

Dubbed as Father of the Nation, Sir Michael leaves with a colourful and illustrious political career.

Sir Michael, who served his last five-year parliament term as East Sepik Governor after his ousting as prime minister in 2011, is one of the longest serving parliamentarians in the Pacific, if not in the Commonwealth.

4th of April, 2017, marked exactly his 49 years since Sir Michael first entered the House of Assembly in the 1968 in the Territory of Papua and New Guinea as a politician.

In 1967 he and the others were building a political platform from Bully Beef Club to what is now the Papua and New Guinea United (Pangu) party.

Highly respected throughout the Pacific Islands region, Sir Michael in 1973

was called the Chief Minister, who eventually was instrumental in ushering PNG to independence from Australia in 1975, where he became the country's first Prime Minister.

Formerly a radio broadcaster before he entered the parliament, Somare forged a reputation as a charismatic leader with the gift of being able to connect with people where ever he went.

We recognise the service that Grand Chief Sir Michael Somare gave to this beautiful nation. We would like to thank him and wish him well as he retires from politics.

May God bless you, Grand Chief Sir Michael Somare.

From: RD Tuna Cannery Ltd.



Anda 21 tim bilong Eda Ranu Dobo Warriors i kisim piksa bihain long win bilong ol long wiken. Ol Poto: Nicky Bernard



Tim Menesa na Kosa bilong PNG Pawa i amamas long win bilong tim bilong PNG Pawa.



Beta bilong Yokomo i redi long paitim bal long gren fainal pilai bilong ol long wiken wantaim PNG Pawa.



Kepten bilong PNG Pawa i kisim tropi long han bilong bos bilong ol ampaia.



Pitsa bilong Yokomo i flai wantaim na tromoi bal.



Beta bilong PNG Pawa i abrusim bal bilong pitsa bilong Yokomo.



Tim PNG Pawa wantaim ol sapota bilong wantaim tropi ol winim long gren fainal.



Tim Brothers B gret wantaim tropi bilong ol, ol i sempion bilong B gren.



WHITE TUNA FLAKES
DIANA White



Manufactured by:
RD Tuna Canners Ltd.

WHITE TUNA
insait
K 2.20



Tasty and Flavourful White Tuna for Everyone!

Thurston i kisim bagarap

I luk olsem dispela bai laspela siris bilong Jonathan Thurston long Stet ov Orijin resis bihain long em i kisim bagarap.



Lukim stori long pes 23...

Wet Sison Taim Bilong Malaria. Lukautim Yu, na Famili Bilong Yu!

*** Treated Mosquito Nets PREVENT Malaria**

*** Visitect TESTS for Malaria**

*** Arterakine Tablets TREAT Malaria**

Good Products, Better Prices, ikam long

Johnstons Pharmacies Ltd

P.O.Box 1066, Boroko, Papua New Guinea.

Email sales@johnstons.com.pg

**STOP
MALARIA**